



832589

木雞書屋文四集卷四

青浦孔宅塑像記

七百里祥毓水精啟儒宗於萬世十五邦教宣木鐸垂
道統於千秋固宜殿陛莊嚴冕旒秀發鞠躬致敬習叔
孫通之禮儀翹首抒誠式吳道子之圖像拜瞻鳳彩警
欬如通諦視龍躡神明若接蓋至聖之有塑像其制爲
甚古其典爲甚鉅焉按青浦城北九里有孔宅一區延
康之季漢少傅築室以居大業之終隋長史瘞環以葬
麤裘鄭重寶殿長函象佩流傳泉宮永閉鬣封白馬一
坏爭日月之光劫換紅羊百代護風雷之氣地分吳會

木雞書屋文四集

卷四

一

派接魯邦肅冠帶於春鬢精靈赫赫薦藻芹於秋浦儀
度雖離康熙乙酉歲 六飛駐蹕三泖呼嵩雙聯頌

鴻藻之輝四字荷 龍章之貴遂使五茸增勝十景騰
華小叢林佳氣鬱蔥人切景山之想大盈浦微波清淺
土懷觀海之思非徒赤縣蒸嘗於今爲烈抑且青谿俎
豆從此不祧矣然而歲月頻移規模漸改庭羅虺蜚階
走颺颺石硯光埋荒榛滿徑銅鐘音寂宿草成堆試看
慧日高曩嵯峨如故只恨零星斷髮歷亂奚堪楊君開
庵等憫吾道之將窮幸斯文之未喪道光己亥仲冬請
於督學淳甫祁公重加脩葺公卽鶴俸親頒鳩工敦迫
乘星輶而展謁發霞唱以低徊於是址拓數弓牆恢十

似士喜如雲而集民歌不日之成宰我墩傍重簷虬繞
顏淵井畔高柳鸞翔萬梅翻馥而含葩雙檜龍蔥而挺
幹堂上則祥呈寶甕壁間則響出金絲却同虛墓猶存
溝稱白兔差喜講堂不遠江湖青龍時聖裔一峯州牧
攝青浦邑篆來從鄒嶧人是孔融寅畏而作宰官辛勤
而集邦彥庀新材於燕寢三壁同藏摹舊貌於龜蒙兩
盤再奠像未改乎張孚敬記當續夫陸應陽橋號詠歸
羣來鵠立軒名瞻在各效鳧趨當年轍遍四方未經南
土此日容留一邑卽是東山假使未遂更新任伊剝蝕
蕭瑟三江之浦淒涼一畝之宮丹桂林前難瞻河目白
檀花下莫企堤眉徒邀楓陛之恩漸失杏壇之蹟良
木籬書屋文四集

卷四

二

可慨已幸而星使宣勞雲初繼美謀成夏屋重拓鴻規
坐向春風旋增象設奏絃歌於先甲致祝告於上丁接
一瓣之餘芬文章莫大仰九容之遺範靈爽憑空癸卯
之夏余遊雲間楊君屬爲記之劇喜今朝載酒問字登
西蜀之亭還期異日焚香抱經拜東吳之宅

李許齋方伯改建嘉興試院記

夫滕王之閣王中丞復事經營峴山之亭史光祿重葺
葺治然祇供山川風物之娛不得爲翰墨文章之助嘉
慶乙丑四月前郡守鉅野姚公纘試嘉善海鹽二邑童
生遽丁內艱嘉定李公以海防丞權守郡篆甫至卽扃
門試士時則淫霖不歇積潦難乾試場湫隘人似鵲拳
號舍淋漓士如蠅凍公惻然傷之居無何實授郡守公
乃躍然曰今而後可以改作矣於是首捐鶴俸繼促鳩
資薦紳相與仔肩胥吏不容措手廣徵髡匠遍召鯨玉
材則堅緻而整齊事則周詳而縝密外繕以檻內隔以
庭上則障以籬籬下則甃以磚石棟取諸壯葑轉而豐
木雜書屋文四集

卷四

三

霞張百畝之宮霧葺于人之座春風均被斯是廣居夏
屋欣依迥非陋室騁妍抽秘得爭一日之長踵美增華
奚祇百年之久蓋不特兩浙試院之冠也夫以公經術
飾治學道愛人氣壓元龍百尺之樓胸蟠子美千間之
厦政蹟所著此特其一端耳不數年擢至閩省方伯方
一歲而九遷忽終朝而三褫不圖蟬潔轉被蠅營隴右
故侯遂煩對簿杜陵男子那肯請曹嗟薏苡之難明致
芝蘭之自刈幸而秦寃盡洗梁獄昇平善類雖失其指
南讒夫卒投諸有北一死倉黃四海同哭半生堅白
九重獨知 帝稱蕭傅之賢人作藥公之祀崔杼未徹
薛鬪猶懸至今我父母之邦能說公仁明之蹟政除害

馬甘存南國之棠節矢懸魚清憶西江之水狼啖脚而
仕途真險約留皮而物望羣歸白傅仙龕已歸兜率朱
公芟舍卽在桐鄉在公亦奚憾也哉金臺弱齡被賞暮
歲無成昔在膺門忝作登龍之彥今過董墓頻爲下馬
之人特念應試生童四十年風簷角戰儘多夕秀朝華
百千土星次相排得免雨淋日炙竟不知公改建之力
也故爲記其緣起云

木籙書屋文四集

卷四

四

遊橫雲山記

甲辰九月二十五日王達夫招同雷獲人丁步洲雷蘊峯胡小樵作橫雲之遊時則平野草枯綠消無賴疎林葉脫紅盡可憐已殘半湖之菱早穫千頃之稻蟬恨秋老蟹知潮生白鷺掠波近接舵尾黃雞啄穀遙飛隴頭須臾泊舟山麓登岸徐行樵路三里過橋小憩農村數家挈榼攜樽尋幽陟勝則見仙鬢撲地佛髻刺天高聳七峯奇標半景崇岡青峙擁石如潮古樹綠濃纏藤作帶訪石門於古洞白龍不歸尋銅滴於荒墳赤獅欲活蒙笠以語倚筇而呼恍覩夫癡着色之圖共吟小杜停車之句其最奇者爲小赤壁碧蓮千花紫泥萬斛羽客

木雞書屋文四集

卷四

五

吹簫之地仙人澆酒之區仰攀危崖啼一聲之青鷓俯瞰小澗走幾隊之黃猿入雲門而驚爲鬼工臨風穴而疑有神怪或起或伏熊羆亂騰若吐若吞蛟蜃欲泣其最幽者爲雲鷺庵門開筠翠之下僧老菊黃之餘夫作豹聲似嫌生客鵠如鶴立遙喚詩家葉隨人而入來花對佛而微笑三冷古澗時噴寒泉寸丈平臺橫亘秋壁惜丹桂之久悴喜青松之尙存纔到此澗便忘歲月更於何處求覓神仙其最古者爲含清堂玉儼齋尙書修史處也當日者王球被遇一朶珠花蘇賦蒙恩兩行金燭直筆經董狐之手雄文出司馬之心五絕兼稱三長並擅今則鶴歸華表燕去空梁竹徑煙籥僅舞雙雀荷

池水涸不生一魚舊居悲宋宅之非通德切鄭鄉之感
一場富貴早成春夢之婆百歲光陰空曠秋聲之館其
最新者爲望雲莊今張詩始方伯別業也方伯船依日
月履曳星辰陸贄衡文榜懸龍虎王尊立水浪靜龜鼉
每承畫接之榮將引夜行之戒閒吟秋興圖報春暉季
眞請休非有鑑湖之乞摩詰挈眷先成輞水之圖桐陰
在庭蘭香滿座預開粉社肯受北山之嘲佇返莚鄉自
饒南澗之趣是日也搜剔盡致翫賞極歡左右奇觀往
來靈境龍嘘鯨吸妙作詼諧猿挂螺旋敢辭險阻欲窮
千里之目愧乏九能之才旣而謝屐告疲杜壺漸罄歸
鴉四起半隨去帆寒雁數聲時答柔櫓蟾月將上鼉更
木雞書屋文四集

卷四

六

已深十里歸來回首竟如天上三更夢去置身猶在峯
間結來願於丹梯誓尋盟於白石古今代謝舒羊公覲
首之懷少長同遊寫右軍山陰之樂却笑酒人風味最
愛霜螯且將詩客游踪聊存雪爪

南湖訪秋記

余往來南湖四十餘年矣乙巳中秋又以試事至郡始
則驕陽尚熾晚蟬競嘶繼復積雨難晴乾鵲斬報嚴子
伯年約二十八日作訪秋之舉謂百里無山湖偏擅勝
四圍如畫景最宜秋請浮壬戌之舟預備甲寅之爵是
日也日氣乍瘦雲容漸肥蓼比人長荷如女老疎疎殘
柳千枝蝶黃瑟瑟枯萍一個鷺白人疑入月船若登仙
先至煙兩樓泊焉時方廣徵鳧匠徧召鯨工丹柱電凝
皓壁星朗於是迎風倚檻披霧過亭橋低而魚氣更香
塔遠而鶻音徐度菱剝嫩綠飽嚼一盤茗浮新紅渴嘗
七椀遂乃三篙漿盪一席樽開喜李郭之同舟踞荀陳
木雞書屋文四集 卷四 七
之首座志和西塞共此煙波昌黎南溪無茲槃敦奇情
跌宕欲與鳴言醉能淋漓或驚鴛夢須臾轉東城過古
堰入徐園而小憩焉丹桂一株花餘屋角黃禾十頃香
擁樓心風帆葉葉而到門露檻層層而臨水蟲抱苔鏡
伶俜眷秋鳥談竹間嘲雜混客旣而再登鷓訪重整犀
杯時未昏黃水益寒碧九曲相引一堤屢環回繞鼇磯
之旁盤旋鶴渡之外鷺影霞影隔岸齊飛雁聲櫓聲中
流互答客皆起曰樂哉遊乎而伯年猶豪同北海未歇
壺觴顛甚南宮將求圖繪却憶去年蒲觴妓索比紅之
篇還欣此日蓮舟客饒淨白之趣同游者八人高藏庵
顧榕屏孫次公揚小鐵張龍門及余子晉翫也

遊平波臺記

癸卯四月余偕盛雲涇客遊虎阜路出鶯湖舟行鴨陣
之前臺冷鳥聲而外魚龍作隊別有一天鳧雁成家似
無餘地橋著畫眉之號秀莫與儔水辭濯足之人淨不
容唾蓋嘗登快哉樓一眺覽焉迄今七閱寒暑矣顧茲
賞心久失交臂已酉首夏訪計君曦伯於閩川曦伯乃
夕具犀樽晨呼雀旌招同李耘庵李子遠先至平望邀
吳右岑右涯昆仲重遊於平波臺則見複榭重軒風光
依舊迴廊曲檻霞采頓新同赤壁之後遊疑元都之再
到閒鷗晒我已成老夫野鷺導人恍得良友梵僧獻茗
雲滿雙甌漁女隔花煙籠一網是時也櫻桃之風正軟
木雞書屋文四集 卷四

八

芍藥之雨乍晴柳陰漸圓鶯早無語荷氣剛發魚先覺
香樹眠醉鳩溪護孕鯉千家市遠燕知此日春歸一角
樓高鶴見古時月好况復地通笠澤路接雲溪千帆百
帆渡口飛白三點兩點山眉送青不驚西塞之風波并
勝南湖之煙雨荷花片片莫非鷓鴣餘糧菱葉田田都
是鷓鴣別業於是瓊筵肆設瑤筓陸離主賓不分笑語
罔擇水分下字却過簾前花落辛夷亂飄杯底座無俗
士可惱元真亭聚羣賢何慙逸少抑余間之斯湖當競
渡之時雷湧鳧車風旋鶴蓋黃頭按部赤手建標十里
芳洲衫爭蘋綠一堤畫舫裙如榴紅然以水木明瑟之
鄉作旗鼓喧闐之數以蓑笠清閒之境變綺羅豔冶之

場縱屬美觀殊乖雅趣奚若此命儔嘯侶送抱推襟載
顛仙書畫之船得杜老滄洲之興仙解款客佛許同龕
鴻爪常留鷗肩欲拍徜徉半日聊隨竹院之緣點綴數
言思補松陵之集

木雞書屋文集

卷四

九

言思補松陵之集
既而常留鷗肩欲拍徜徉半日聊隨竹院之緣點綴數
言思補松陵之集
鴻爪常留鷗肩欲拍徜徉半日聊隨竹院之緣點綴數
言思補松陵之集

遊虞山記

虞山者東南一名勝也庚戌九月張篠峯丁步洲招余同遊適金陵蔣楚亭偶寓南沙願爲東道竟留三日徧歷一山快哉斯遊眞夢想所不到者也當夫晴旭初上曉煙不飛步步玲瓏重重明靚天開沙嶼俯臨蛟窟千尋地逼海門遙指狼山一角亭有辛峯之號墩無甲帳之遺僧院未開樹眠鴉背女牆稍缺嶺斷蜂腰兔臧言子墓中鳩喚昭明臺畔三台石古七檜枝高然此僅城中之景也旣而曳踵出郭舉頭見峯蘿攀漸深苔踐忘遠危棧厯厯曲如螺旋輿夫盤盤險若蟻挂所過輿福清涼維摩松泉諸寺羣木夾徑煙光盡黃叢篁滿崖日木雜書屋文四集

卷四

十

色都綠龍去而澗仍合鳥鳴而山更幽松杉人行猿先爭路梅花僧定鶴亦解禪播懸一志之亭燈現八思之閣幢影入地颼颼不驚鐘聲出林鸛鵲互答坡名九里曾聞靈鷲分支殿湧千華忽見金牛題榜佛屋蕉碧客窗桂丹入烏澗而取涼招鶴峯而欲語雖吾谷之葉無數紅未霜酣而石洞之泉不喧自如露滴若夫劍門之險尤爲茲山之冠焉破空陡壁百梯一落居然千丈芙蓉出水朶朶花青箭栝通天層層影黑危磴豹伏晴雷轉而有聲怪峯獅蹲斜日碎而失色別有拂水傍巖石梁跨澗倒峽成畫飛濤入琴豈眞練出吳門渾似綿彈越村徐行西麓打頭都是亂雲倘遇東風濺面還疑急

雨池若絳雲樓杳蛩弔夕陽紅豆莊荒烏悲殘月艷跌
草沒誰知楊柳芳魂馬鬣煙平莫問蘼蕪小字則又啼
噓欲絕感慨交縈者矣嗟乎世人埋頭蠹戶未攜買鳥
之笻局際蝸廬孰執阮孚之屐獨余齒踰周甲心戀芳
辰長源身輕康樂興逸結羊求之俊侶作禽尚之清遊
躑雲入懷翔水洗口草黏兩屨秋貯一囊四百似疊蠟
層巖目不給賞三十里橫溪斷谷足竟忘疲借山水爲
涵泳之資使文章得行生之趣豈非人生之樂事也哉
援筆記之以示楚亭及丁張二君并使後之遊者得所
依據焉

木雞書屋文四集

卷四

十一

虎阜登高記

庚戌九月初八日余偕張篠峯丁步洲由琴川至金閘
帆飛百里如過馬當秋載一囊將尋鶴澗次日同訪王
養初於胥門余謂潘大臨滿城風雨七字留傳王子安
一色水天兩言絕豔靖節哀憫之句樊川秋雁之篇皆
重陽故事也而況長洲苑外不到十年短簿祠前適逢
九日曷弗作登高之興乎於是聯袂出城寥寥問渡不
用紅藤之杖且乘黃篔之船半途訪戈順卿於翠薇花
館素聞詞客青兕名高遂造幽居白鷗氣合旣而酒樓
小飲快浮山簡之卮香徑同尋已泊袁宏之舫寺未登
而孤塔見路將轉而小橋橫煙火萬家遙指干人之石
木雜書屋文四集

卷四

七

樓臺一帶又開五色之花時山側新成章刺史祠林亭
翠交堂屋丹絢一房雲擁果然秀溢虎邱三徑風清猶
是香生燕寢無何暮煙凝紫晚照斂紅帽落參軍棹迴
王子則見燈船四面美人都作驚鴻簫管兩頭豪客尙
呼酌兕難得十分月色絢爛文章可知七里風光繁華
世界誰洒牛山之涕肯輸鳳嶺之歡養初才如江海思
入煙霞卽夕填龍山會一闌丁張二君從而和之余也
醜敢效顰喜生見獵摸魚塘下正值良時門鴨闌邊幸
逢名士秋風嫋嫋未正楚客之吟暮雨瀟瀟且聽吳娘
之唱云爾

四銅鼓齋記

詩詒張方伯之承宣粵西也路擁萬松人沾甘雨堂開
八桂士被休風瘴雲掃紅玉乳吐白飛鳶不墮狂象亦
馴載酒南薰之亭哦詩北牖之洞鷺毛雞骨翻柳州之
舊篇虎箭魚鉤繼玉溪之佳什則有銅鼓焉聚千八百
高鑄三十六爐豕腹膨亨鯨睛瞳突每當狼卡獐屯元
宵祭鬼猺娘蛋女秋夕賽神髻插山雞之翎襦織孔雀
之尾進鮮則黃柑黑荔佐酒則白欖紅藟九座壇前大
聲鞞鞞五方旗外餘響饕餮狗王受禪享而來馬人僉
醉飽而去然則是鼓也必以爲新息所製武侯所遺殆
附會之詞耳乙巳之秋方伯奉諱旋里攜四銅鼓以歸

木雜書屋文四集

卷四

七

賈琮亮節特辭交阯之珍陸績清標僅載鬱林之石先
是方伯闢園於橫雲山顏曰望雲山莊將乞養太夫人
焉不圖移愛日之念爲見星之奔蘭欲采於陔南萱忽
萎於堂北因不樂山居乃於宅之東偏葺治隙地輞水
園林別開勝境平泉花木取暢閒情露牙角則怪石皴
苔鑑鬚眉則明漪漱玉藤纏簷紫蓮抱池紅鳥衝曲坐
之煙魚啖平臺之月鼓則腰似庚觚面如辰鑑瓜紋繚
繞微露鷓鴣之斑銅鑪續紛尙盤蛟蜃之氣三疊徐擊
四筵俱驚此四銅鼓齋之所由名也丙午春暮金臺重
過雲間蒙方伯特開東閣招飲西園不愁行馬之施竟
愜登龍之願陳遵投轄醉止無休韓軌留賓宵分未歇

因命作記以勒於石夫以方伯經儲邊腹詩解匡顯
書摹北海之碑作畫上南宮之舫無才不備有體皆工
異日者進入伯歌成一品集公自志和音雅何難奏響
於西京我慙氣竭聲嘶安敢獻銘於南郡

木籙書屋文四集

卷四

四

吳郡太守公自志和音雅何難奏響於西京我慙氣竭聲嘶安敢獻銘於南郡

吳郡太守公自志和音雅何難奏響於西京我慙氣竭聲嘶安敢獻銘於南郡

吳郡太守公自志和音雅何難奏響於西京我慙氣竭聲嘶安敢獻銘於南郡

吳郡太守公自志和音雅何難奏響於西京我慙氣竭聲嘶安敢獻銘於南郡

欠軒記

銅山李大令香谷先生兒子晉勗房齋也薦邀北海謬許英才香祝南豐長稱法嗣戊申之秋先生自杭城寄書來言三年奉諱子舍雲孤千里離鄉客裝霜儉虎林久寓鶴俸全空司馬之四壁蕭條人誰攸助伯龍之一官貧薄鬼亦挪揄今夏遷居於馬所巷中書舍一間顏曰欠軒蓋以魚圍圍而索肆燕涎涎而謀栖命是客星身爲債帥軒以欠名職是之故今夫巧宦之蚤緣不少美官之鑽利恒工或一斛而得涼州或萬緡而改宣歙勢熾炙手慾更熏心外綺內珍戶積鄧家之寶厚輪大郭墮盈曹氏之財佳驢與名馬同徵水鼈借山麀盡取

木雜書屋文四集

卷四

五

執金花之燭婢侍百餘下玉箸之錢食糜萬數沃土之脂膏頓竭貧黎之皮骨無存鬼瞰奚虞輿評罔恤若夫先生則蟾宮早入雁塔旋登調宜冰倚頭銜詎意塵蒙手版陸賈南役未蓄千金之裝貢禹西征轉損百畝之產良由書生本色豈解腰纏廉吏居心安知頭會巧莫施於有麪窮且甚於無錐陳湯之積貸已多潘璋之索逋恒滿負市間之酤價奚止十千借天上之聘錢幾逾百萬築臺罕地燔券何人崔九之作孝將終久虛烏養祖三之傷離更劇難逐鴻歸遂使伯鸞留吳賃從廡下士龍入洛借住廨中百事星乖千愁雨集其能無杜門貢憤仰屋興嗟乎然而屯必終亨否乃轉泰叔夜何虞

平潦倒廣微休歎夫艱辛且武林爲山水之區神仙之窟六橋畫舫十里沙隄飽看馬塍之花閱嘗龍井之水藉消旅况足暢清游而况烏鳧佳政人愛王喬琴鶴清標廷知趙抃佇見雲衢驥奮士元非百里才星海鯤飛祭彤增一等秩又何煩感傷螻屈抱恨鳩棲也哉金臺技徒刻鵠才愧轡龍未獲瞻韓先蒙說項有絲麻而無棄菅蒯深感恩情投桃李而莫報瓊瑤祇憑文字敢將俚語用慰羈懷還期後約無乖許我來窺東閣縱使前程正遠知公尙戀西湖

木雞書屋文四集

卷四

六

野五鼓賦公尙戀西湖

野五鼓賦公尙戀西湖

野五鼓賦公尙戀西湖

野五鼓賦公尙戀西湖

野五鼓賦公尙戀西湖

野五鼓賦公尙戀西湖

野五鼓賦公尙戀西湖

野五鼓賦公尙戀西湖

野五鼓賦公尙戀西湖

朱秋田亭帚山房圖記

乙巳十月之晦我友沈浪仙招同江浦馬石樵海昌李秋叙飲於守經堂嘉禾朱君秋田亦在座焉酒半出其亭帚山房圖乞余作記蓋取南華之微旨成北苑之新圖君之意抑何深且婉也夫以君家居東郭鷺鴨爲鄰地近南湖鴛鴦不去秋盡而花發無際天空而月流有聲新苔上徑座少雜賓古芸生香架多秘籍才盈入斗技了十人謂宜璧貴傾秦珩奇動晉出三都而紙罄成一字而金懸奈何時乏賞音世希知己斬兕之鏢不及鉛刀蔽牛之姿僅同散木茫茫四顧未聞北海憐才落洛半生聊作東方翫世斯圖之作良由此耳當其兩窗木雜書屋文四集

卷四

七

選韻雪檻抽思豎銅鉢以鏗金貯錦囊而韞玉清飈徐奏莫非天上宮商仙露飽餐非復人間煙火鶴舞花而三徑靜驪探水而一珠圓似此苦吟合稱風漢從來名作難索解人則惟以詩歌自享而已况復六法能精三昧獨得寒香萬朶月無不白之時密竒手纒日有難紅之地秋聲在葉春痕上枝搖筆煙橫拓箋霞絢乃嘉陵山水畫壁徒工而杜曲桑麻薄田罕置則又以繪事自享而已而且心殷救世志在活人跡隱壺中方懸肘後十全爲上休誇挾蟹搜雞三折稱玉奚取出蛇走獺龍潛橘井水亦疑仙虎守杏林花應並壽然而不逢晉景孰知秦緩之良縱遇齊桓漠視越人之技則又以醫術

自享而已嗟乎傾身障簾祖約何愚握算持籌阿戎甚
陋積王伾之寶壁藏江祿之錢誰不利析秋毫市連
夏屋君獨心持堅白骨洗輒紅襟披蕙風袂洒蘭雪夢
得陋室豈必無銘子山小園自堪著賦得清閑之趣吾
愛吾廬語爭競之風卿用卿法賢兄竹坡亦雅士也姜
被借溫田荆滋茂不比謝家瞻晦遙隔門籬還如張氏
緒融時諧笑語竹坡有誦茗帚圖與君亭帚之義蓋互
相發明也西風忽起兄方障座上之元規東閣休窺第
肯作門前之魏勃

木雞書屋文四集

卷四

六

錢淵亭秋燈憶女圖記

嗚呼玉律不暖金梭忽飛鸞環熄聲鶴駕翰影心驚別
鵲曲製哀蟬賦到金釵元相遣懷之什詩成錦瑟義山
感逝之章此皆夫婦之常情而非父女之恒理若乃憶
左家之嬌女飲泣吞聲痛李氏之足娘含酸茹歎箋天
寫恨穴地埋愁則錢君淵亭秋燈憶女圖是也女名愈
姑蓋以生時其祖母大病初愈故也片月方墮一星始
輝口齒自清眉目如畫聲絲學繡便擬鍼神彤管習書
先排字母教十篇而奠牖蘋藻夙嫻歌二月以盈門李
桃正盛則有沈生鞠泉洗馬神清士龍才俊本盧李之
中表締潘楊之昏媾一縷紅絲雙卮白玉爾乃鴻妻燭

木雞書屋文四集

卷四

九

理羊婦識幾盞先雞興續後烏宿主頭夫婿裁成鸚鵡
之篇繼手佳人繡出鴛鴦之譜才真勁敵歡若良朋宜
有粲之深隣極高柔之愛玩方期倡隨之樂百歲與偕
試問佺儷之緣幾生修到何圖碧桃骨瘦紅蕙姿枯柳
被風欺蕉因雨碎三豎爲虐三醫不靈兩載飛風華茵
正暖六聲朝雉長簾俄空齊眉之案猶存洗手之羹已
遠辛丑八月七日以癡難亡年僅三十鹿胎騎下黃口
纓啼蠶繭抽餘紅頰頭逝爲鞠泉者其能無鴟絃痛斷
鵲鏡悲離置叢棘於迴腸借流珠以洗面乎而淵亭則
以爲瑤草易凋曇華難老桃夭賦香嫁旋殤每當萬
葉迎秋一盞入夕檐無噪雀屋有唳烏空階蟻旋側戶

蛩咽月浪微白隨風暈藍燭花墜紅及几忽黑回憶婉
婉肘下依依膝前紫石解書碧箋認字瑤儀四映如蘭
有心妍筆一枝替花傳語智識比於辛憲聰明卽是丁
孃曾歲月之幾何乃星霜之告變越溪日瘦翠雞不飛
吳市煙寒白鶴亂舞嗟韓掣之早沒聞聲徇來期鄭采
之重生滅影猶望於是借一幅之丹青寫十分之心緒
鸚悲燕泣已矣重泉鵲顧猿迴依然故態虎頭筆妙鳥
爪仙留椒壁紅時似招娥影棗簾綠處欲喚香魂若必
責其過情譏其溺愛則庾開府傷心之賦陳思王永逝
之文彼亦何爲而憶女也哉

木雞書屋文四集

卷四

辛

張次柳公子白馬澗訪僧圖記

淮寧張次柳公子以南梁之才人作東吳之寓客夙承家學原繫鳳雛爲侍宦遊恒陪鯉對乘羊美貌舞象英年文章紹蘇憂樂繼范早見傳經蔡火無愧紅侯初非佞佛菩林自同白傳惟是人澹於菊氣和若蘭獨抱清標迥超濁世青山日落吟來短簿之祠碧水泉飛詠到長干之里則有楓橋詩僧覺阿者曾賦青衿忽參白業梅沙彌天機敏妙竹尊者法相清奇初地到來卽能慧悟蒲團坐穩亦是英雄公子於是訪花宮尋蘭若時則寒蜂有影睡鴿無聲淡淡梅花鶯啄一池之雪蕭蕭楓葉鴉翻萬樹之潮無如獅座空懸鹿宮靜閉不毋潛之

木雞書屋文四集

卷四

五

題靈隱祇見白雲皮襲美之過棲霞僅餘青靄莫逢行脚誰與拍肩陶社未開王舟虛返然而四禪天上不昧前因三寶地間仍期良會靈徹終當締合法和自有因緣夾道松聲重來雅士四山花影爭拜詩人茶喫趙州芋煨衡岳方干訂交於齊已船有鶴居陸羽投契於皎然門無犬吠並坐三生之石欣逢一字之師留笑語於虎溪小住亦關絮果悟機緣於鳥偈大師不讓蓮池此白馬澗訪僧圖所由作也夫以虎阜繁華雞陂靡麗銀盞替明珠箔藏雲七里風光競圍花市百分春色都在酒船千指調絲十眉環席誰不魂銷歡喜之地心醉奈何之天公子則鳳音本清鷗意獨遠遍識寰中俊侶更

交方外高僧孫逖之宿雲門煙花趣妙王維之游香積
泉石聲寒斯則四姓小侯遜其澹雅八厨名士無此蕭
閒矣僕也未謀一面遙印兩心將與公子共釣五湖之
秋同翫千朶之月莊襟老帶各愜幽懷雪北香南互參
妙諦公子其必有以許我也

木雞書屋文四集

卷四

五



坡瀨公子其必自以指姓也

其風滿于嶽文且接斷法帶谷現幽巖書北香南互參

矣對出未竭一面遊山清小報龍公子共釣五湖之

秋同翫千朶之月莊襟老帶各愜幽懷雪北香南互參

妙諦公子其必有以許我也

郁荻橋雪屋填詞圖記

余三十年來好作駢儷之文空遇知音難求同調邇來
於同邑中得三人焉一爲伊孝廉鐵耕一爲陳茂材樂
泉其一卽荻橋也霞思煥發煙墨橫飛玉十鼓而皆雙
錦百兩而成匹幸宗風之遞嬗庶吾道之不孤然而才
大者不祇片長業精者必兼衆藝荻橋詩情超雋已抉
歐梅之藩詞旨幽腴直闖周柳之室頃以雪屋填詞圖
索題竊歎其慧業夙授瑤情自深節協鸞歌吟調鳳律
身饒仙骨手應佛心冷洽乎如濯魄於冰甌而洗神於
玉鏡也當夫牆角風號窗眉月瘦酒冰寡味燈凍無花
哀雁過而一繩青栖鴉歸而千點黑瓊瑤擲地絕不聞
不雜書屋文四集 卷四 三

聲珠玉自天情誰拾唾花飛六出耿先生爪冷難搏茶
煮三更陶學士腸枯易潤君乃瑩發靈囑控引古懷燭
刻半紅箋裁小碧資其湛澹益我芬芳淒入鷗心瘦爭
鶴格雀拳鷺縮觸撥其長謠蝶怨蠻愁描摹其幽致霜
鐘一杵響憂枯枝風琴七絃音鏗古井百折鏤腑萬妍
盪魂何妨玉宇之高寒偏愛嶺山之滋味宜其花舒兔
頰香溢狸毫妙掩金荃工逾玉楮者矣余也自愧啞鐘
致譏濕鼓倚聲一道無能爲役卽以駢儷論之亦恐文
通就衰已嗟才盡明遠垂暮漸覺思枯不敢與君角逐
也已

于辛伯南湖柳隱圖記

余交辛伯垂二十年矣見其寄情吟詠抗志風騷字字
珍珠聲聲碎玉吐詞峭絕蓮葉清香含毫邈然梅花神
韻而且結聯吟於湖上雲集簪裾作瑣話於燈前風生
咳唾近時浙西之談詩者未之或先也夫以辛伯仙筆
動人芳名震世羨之者僉以爲姿容秀麗丰骨清癯張
散騎楊柳搖風謝臨川芙蓉映日矣而乃蔡澤巨肩楊
惰大肚袁象行步扶倩數人韋藝獨居坐盈一榻容儀
特異髀肉堪憐由是矢志冥鴻謝情軒鶴芹香春水早
入鬢宮桂子秋風癩遊矮屋室開虛白塵避輭紅高眠
北窗一蝶入夢散步東郭雙鴛出迎猊鼎香焚少妾捧
木雜書屋文四集卷四

語

箋而侍羊燈炷落嬌兒放學而歸催租無敗興之人載
酒有問奇之士廬名一粟容膝差便架插萬籤撐腸自
滿茶煙入畫花氣如禪兩字功名偏輕雁塔一湖風月
欲占鷗鄉此南湖柳隱圖所由作也余與辛伯王肥沈
瘦狀貌懸殊謝笑顏嗔性情迥異然而芝蘭協臭松柏
悅心雞黍盡歡鶯花並賞愛君風懷澄澹雲意逍遙胸
襟具邱壑之奇城市得山林之趣鷓鴣知足鷓鴣無猜
西踏蠻行之橋南翫蛟舞之石三篙新漲鷺下紅邊萬
樹濃陰魚嬉碧外欲認柴桑之宅試觀輞水之圖空谷
自安知魏三並非充隱釣師可作歎朱十竟有替人

方蓮卿易硯圖記

禾中方蓮卿司馬篋多珍秘室滿琳瑯卣則父癸母辛鼎則伯申仲丙搨來蟬翼盡名賢碑碣之文印出魚波悉徃代雲雷之器洵邁俗之佳士亦饜古之畸人若夫紫腹池開壁友珍藏於陶氏綠腰牆曲金城寶貴於徐君石僅一卷物足千古則竹垞太史遺硯是也昔竹垞高隱池南著書亭北五處士內徐穉名冠乎姜袁七才子中王粲文高乎應阮斯硯也割紫雲之一片瀉碧浪於九秋質異虎頭品超龍尾置諸蝶舍恍含金斗二星滌向鴛波疑出白珠十顆八萬卷牛腰重束家有良田十三字鶴背細鐫友成妙製旣而庾園花沒揚塚草長木雜書屋文四集

卷四

五

硯爲孟頫山明經所藏其子松田茂才珍重世澤不輕示人蓮卿見而愛之遂乃和璧入秦許田歸鄭美人易馬得長公之遺風道士換鵝繼逸少之佳話摩挲自慰把玩不離薄煙未消明月欲活况蓮卿素工書法爲高爽泉入室弟子自獲斯硯益覺利器有資臨池日進硬黃摹出神運筆尖飛白揮來力透紙背以朱五經之舊物作方三拜之新交癖嗜一生幾同顛米磨穿十載無異矮桑夫以一硯之微且猶繪圖紀勝然則仰企金風亦貴博搜經義睠懷長水尤宜妙綜詩詞我知蓮卿其必有以步武先民矣

王芑亭槐花吟館圖記

戊申之夏霖雨不歇狂飈怒吹戶無雜談牆有蝸篆蘆
川病叟正臥鹿牀篔簹里詩人忽通雁訊則王君芑亭以
槐花吟館圖索文時也爾其家鄰甲溲廬傍丁溪陸游
三畝之居庾信一枝之地蘭煙出砌碧繞窗紗桃雨入
簾紅分視水梅風落紙畫帶濕痕松雪撲弦琴作古語
桐蔭半榻桂馨一軒據之而眠紫藤沿檻涉以成趣黃
薔蔓檐况君學積董帷名高謝墅古玩搜漢唐之秘良
朋結吳越之豪室築庚申足娛垂白詩編甲乙頻付殺
青字字鯨鏗行行虎繡心如脫兔妙運巧思日送飛鴻
善描佳景曲終人遠錢仲文筆若有神月盡珠來宋延
木雞書屋文四集

卷四

五

清才稱絕調清飈徐拂韻協修篁甘露飽餐味同樵李
宜乎雞林市賈爭此琳瑯兔苑文人遜其妍秘矣爰倩
虎頭爲舒鵝絹圖成北苑夢醒南柯疎花瘦蝶之間高
樹吟蟬之外淡黃庭院歌向鸚聽新綠簾櫳句憑鵲和
芑亭勉乎哉心香可接原是唐家四傑之魁手植常存
足徵宋室三公之兆

綠杉池館修禊圖記

夢蔬道人詩通六義書擅八分鶴立之姿白成澹逸蟬
聯之語時發鏗鏘滌硯則雲滿一池撫琴則月臨五夜
乃以殷七栽花之暇約黃九把盞之歡丁未上巳招同
沈篔溪羅友蘭鍾穆園朱文江作修禊之會斯時也節
當三月之首人在百花之中亭角輒風鶯夢乍暖溪頭
薄日蜨衣正涼桑下啼鳩紅雨欲落柳邊繫馬碧陰漸
多膽瓶貯春腰鼓催酒桃花萬點竹葉三杯畫閣初開
好山如活羽觴已罷新水猶香回溯壬寅忍話齊鄉烽
火雖非癸丑奚殊晉士丰神彼夫射兔分朋撩魚戲女
結錢龍而置宴撲粉蝶而鳴歡豈足擬此日之星聚名

本齋書屋文四集

卷四

三七

流風生健筆也哉抑余自念生平每敦白社之交尤愛
黃冠之侶如武原張補梅趙凌洲膠城王谿雲魏塘彭
臥雲諸道人靡不芳範相欽雅材互賞高松獨鶴蕭鍊
師投契孟郊淺水遊魚許羽士締歡襲美邇年來又蒙
夢蔬送抱推襟攬環結佩春留瑤島繫念劉威玉噉元
關感懷王起茲者出际文江所繪修禊圖筆花灑落裊
屐皆仙墨采飛騰池臺頓古寫半醉半醒之客描不晴
不雨之天嗚呼一日稱心自堪千古百年聚首難得幾
回縱未能侍宴承恩效東廣微之對竊自喜振毫紀事

附王元長之文

木雞時社卿空山鼓琴圖記

鳳唳龍腰餘響遠出青翻白博古音欲仙苟非高雅之人難語徽弦之妙時君社卿風懷澄澹雲意飄飄交謝狗屠師尋馬帳珊珊弱質雀瘦不飛黯黯苦吟鶯啼若和蘭露研墨松風拓箋春湧毫端秋生腕底爾乃虛白鑿牖孤青綠垣螢光墮紅魚影嬉碧樹蕭森而蟬蛻石嵯嶮而猿鳴有趣必佳無絃亦妙黃雪三徑鶴纔夢醒綠陰一庭鴻欲歸去虛籟求息點塵不生葉聲滿林花影在地又聞尊闔綠雲夫人才女也發甄書而神通臨衛帖而格肖鶴視晨潑雲飛一池兔毫夕揮花燦雙管每至魚霞斂嘯麝月當樓罷描長眉旋撫焦尾鸞柱徐

木雞書屋文四集

卷四

天

撥湘蘭吐馨鴟弦乍彈園竹盡裂斯則鳴鳩載詠韻叶參差弋雁興歌音調靜好者矣每慨綺紈子弟裙屐兒郎有携蒲蹋鞠之娛無書策琴瑟之好韓符學淺要非入海之鯨嵒喜品凡真是題門之鳳社卿獨金心外朗玉骨內涵引遙思於雨窗發高吟於月榭成連海上能移我情文暢齋中如見其志豈非翩翩濁世之佳公子哉蘭露和墨松風和箋春湧毫端秋生腕底爾乃虛白鑿牖孤青綠垣螢光墮紅魚影嬉碧樹蕭森而蟬蛻石嵯嶮而猿鳴有趣必佳無絃亦妙黃雪三徑鶴纔夢醒綠陰一庭鴻欲歸去虛籟求息點塵不生葉聲滿林花影在地又聞尊闔綠雲夫人才女也發甄書而神通臨衛帖而格肖鶴視晨潑雲飛一池兔毫夕揮花燦雙管每至魚霞斂嘯麝月當樓罷描長眉旋撫焦尾鸞柱徐

木雞書屋文四集卷五

平湖黃金臺鶴樓

公諱凌漢字雲門號仙槎湖廣道州人父文繪廩生以

學行伏一世公稟庭訓恒跪而受讀韋稜幼年便自說

經講義陳頽少日早爲立宅起門九歲應童子試年十

六州府試皆第一補弟子員公家極貧又連丁內外艱

於是覃心映雪矢志乘風呂向就藥市觀書游雅乞漿

壺作字熊生設教士被裁成馬帳傳經學分等次旣而

木雞養到火候十分金鶚高飛雲程萬里嘉慶壬戌以

拔貢生朝考一等爲吏部七品小京官甲子應京兆

試中式乙丑聯捷以第三人及第斯時也奉職麟臺校

書虎觀風雲得氣下筆有聲星斗摩空雄文無敵扈

六飛而視草供十吏之揮毫舊典朝儀雅諮王令譔辭
奏議斷屬燕公仁皇帝時由編修擢至祭酒今皇
帝時由侍讀學士擢至尙書其間任順天府尹最久手
析牛毛心懸鯉鏡德威並著寬猛均宜號令嚴明張京
兆搜少年三十輩仁恩汪濊袁邵公出獄罪四百家時
值兵事方殷軍需孔迫前征回部後討臺灣隊壓貔貅
糧支鵝鶴師韓混舉囊之智萬士爭行學寇恂輸輦之
勤三軍宿飽至於籌屯防之便酌捐賑之方議京察之
條定回漕之例姚通宋法並取其長杜斷房謀兼擅其

勝李文靖善讀論語節用愛人呂公著能折同官約言
精識宜乎卿歷五部職敎三司績奏朱宣功開黃序也
今夫日行黃道躔度或訛星傍紫垣縮離偶忒公則卅
年赤紱曾路青雲紀勲則列笏難書志寵則銘鐘未罄
凡參貂福字之 賜不可勝數王旦蒙犀帶之頒范鎮
拜龍茶之賞 醪醢於李絳褒以忠勤錫鍾乳於高馮
報其切直 天延湛露總是光榮宦海福星從無波浪
猗與依哉近世名臣未嘗有也公學貫九變藝兼三長
對梁甫七十二封數河圖四十六事詩律得諸廿四品
書法本諸十三行以故疊掌文衡屢膺 簡命爲督學
者二典鄉會試者六作同考官者一其他派閱覆試十

木雞書屋文四集

卷五

二

朝考黻館試差大考卷絡繹無間握鑑歐陽果能得士
焚香清獻絕不瞞天稜滿狄籠衣傳范鉢已亥秋充順
天副考官長子紹基亦典試福建 恩綸頒丹鳳十行
優眷及白烏丸子蘇頌隨父平時禁筦同居崔宏率見
此日軒輶並駕尤極儒生之盛遇允爲海內之美談庚
子春值 孝全皇后喪齊集西淀十餘日偶膺魚疾遽
逝駒陰大霧尹俎流星葛隕年六十有九 上悼惜者
久之 贈太子太保 賜諡文安據諡法勤學好問曰
文止於義理曰安 本朝二百年來得此諡者自公始
蓋惟公崇山濤清虛之德厲衛綰謹慎之風名世文章
董玉杯之醇正立朝奏疏張金鑑之光明故能生被

隆恩歿邀 重春三台雲暗乘箕思黃髮之臣七澤風
寒捧日憶丹心之佐易名之典洵足與先儒陸文安公
金文安公相媲美云金臺親見公督學浙江時遍搜懷
挾危坐堂皇雖矩令之霜嚴仍襟期之月朗馬逢伯樂
曾奮輕蹄琴遇中郎辱知焦尾而乃李門纓廁韓席遽
睽公自騎鯨已失幹楨於周室我猶屈蠖空悲杞梓於
楚邦

木雞書屋文四集

卷五

三

吳山東曹州知府吳公傳

夫公望公才虞駿克備用文用武裴俠能兼清獻拯民
攜去一琴一鶴崇文擒賊收來萬甕萬牛危非仁而不
扶禍惟智而立定斯蓋張遼才大長社勿驚亦由虞詡
器良盤根自解生爲保障殺作神靈峴山刊思德之碑
桐鄉紀名臣之傳如曹州知府吳公者殆其選矣公名
楷字次升江南武進入年十八卽獨身走京師受知於
王侍郎昶朱學士筠陸中丞耀謝莊年少秀冠江東崔
浩才高名空冀北讀書而兼讀律富學而卽富兵旋游
幕於秦晉間潼關日出屢聞曉雞汾水風寒時見秋雁
作令狐之書記壯司馬之貲財遂乃南金北甕散如泥

木雜書屋文四集

卷五

四

沙秋水春山賞盡花月供夏侯以四馬百人之食舉世
誇豪置春申於一臬五散之間及時行樂放蕩幾同阮
籍聰明實過楊修玉露取材羅大經尤能記事金星入
命段少連更善聆音燕姬挾瑟之場趙女鳴箏之會亦
復謳追王豹曲著野狐楚袖貢歡齊纓索笑無如心殷
捧日足滯籬雲許文休萬里空馳朱翁子五旬未遇鐵
牘桑君之視金空陸賈之裝然而髀裏肉生初心縱負
酒後耳熱壯氣猶存先是公罄所蓄貲入戶部以知縣
注選次後不得除久之投効南河儲芻菱程畚插呂梁
立埭著雄畧於謝元浚儀塢流展偉才於王景及夫竣
事受知當塗以本班發山東試用累署聊城鄉城諸邑

政成十奇名播三善腰雖頻折手可獨支嘉慶十八年
秋攝金鄉縣初非三載之頴川不過五日之京兆時則
奸氓王則妄習五龍之經逆豎張昌詐稱一鳳之瑞公
以爲收芻旣受牛羊田稚豈容嶼騰立擒賊首崔士俊
及其黨孫戰標宋大勇等蕭惠開素稱臥虎本是奇才
張文紀遑問野狸直誅元惡而乃蘇緘料寇反被怪於
劉燹宗旦知幾偏見疑於陳珙不數日而大興林清之
難作幽燕螳動齊豫蜂屯擬潛龍八卦之名分鉅鹿三
公之號北門竊管南內稱戈敢倚蝟毛互憑薑尾公已
先行保甲次練官丁臂指相維爪牙是寄訓申三畧令
下十條宵則萬燈星懸晝則千蓋電醜借九日黃花之
木雞書屋文四集

卷五

五

宴伏四城白楮之兵運籌動契於龜著撫士樂同於鳧
藻筆能倚馬三千牘疾若風飛志在殲鯨八百弩投如
山積王羆指冢欲死者來韋虎張幢有前無却不然任
聚荏蒲之衆莫施渤海之繩如定陶曹縣之間賊已然
眉官猶束手耿翔作逆梟長吏之頭顱方臘逞兇探宰
官之腸肺若斯之偷誠不足數至於滑令強公克捷先
捕牛李二賊旋被其黨攻城闔門死之蓋一則如崔楷
陷賊誓必捐軀一則如薛登捍城力能盪寇一則如睢
陽義烈殉節者三十六人一則如孝寬智謀苦守者六
十餘日一死一生功孰偉焉自有公而豺牙勢斂螳臂
氣衰萬民頽以鳩安一邑免其鹿鉅特是雉方帶箭已

經五采離披虎尙負嵎敢恃干盤鬱律鳩奪巢者非一
竟營窟也有三於是劉運司清馬參將建紀雲旗巨天
霜戟斬地三百曲湧七十據鞍熾兇黨於髣山磔羊羣
於扈集窮搜鼠穴雄驅力士之丁遍掃狼煙淨洗長河
之甲京營貔虎得唱凱旋山左虺蛇無虞蠢動試從燎
原之車還憶徒薪之人苟非桓範有囊高馮若鏡先翦
羽翼預鋤萌芽又安得係越纓長定秦刀大文傳露布
曲奏雲鏡也哉然則讀杜陵諸將之篇上吏部元和之
頌益歎公之經猷出衆幹畧絕倫矣公攝篆凡九十七
日論功擢桃源同知旋授曹州知府蒙 九重特達之
知邁三載考功之典益復廉能自厲勞勩不辭清有孔

木雜書屋文四集

卷五

六

姑臧之葱巖無屈突蓋之艾子康禮教傲人息詞孟博
威名貪吏投印賈琮上簿計最於十三州郭賀褰帷服
殊於二千石方將資寇準以鎖鑰昇章臯以珪符而不
謂膽尙如雲鬢先點雪年迫日索文淵生悲食勘事繁
武鄉竟逝道光元年八月遂終於曹春秋六十有五公
生平事蹟詳見陸祁孫盛子履集中茲不多贅其著作
則有禮石山房集五卷手治官書金鄉記事各四卷皖
江雲入天誥護花幡傳奇三種靡不詞瀾噴薄才藻飛
揚健龍扛之文增雜市之價而以言乎公則猶其末務
焉耳

朱母盛大恭人傳

蓋聞讀書之效江母所以訓文通也擇友之嚴張母所以誨密學也持身之要周母所以勵伯仁也美政之成鄭母所以助善果也自來良驥之騰驥每出慈烏之教督視彼嚴嫗迴轍溫母絕裙識富貴之不祥歎乾沒之致禍者豈可同日語哉朱母盛大恭人小雲觀察之母也少習張箴長知顏誥徐淑素嫻文義荀灌克盡孝思年二十一歸贈公梅坡先生洗手調羹齊眉舉案龍核夜月花不落而恒飛鳧弋明星天未晨而戒旦無何遭君舅之喪族人與贈公爲難室內操戈救無披髮突邊厝火禍在剝膚蘭忌當門桐憂入爨逼人太甚中山奈木雞書屋文四集

卷五

七

此封狼助我憑誰破屋更多黠鼠劉伶則揮拳可畏張儉則託足何方太恭人情殷保趙志切安劉財辛苦於荷心拓艱難於棘手釁消十輩計定三遷賴茲挽鹿之功得免射牛之害時觀察公猶童子也懷中蛟吐預卜能文笥上蛇蟠果知必貴鳶肩早奮鹿角頻摧纔采魯芹便攀燕桂辛未歲舉禮闈第一人名冠南宮身登東觀坐升七寶人望如仙影步八軒堂原署玉旣而木天謝職水部改官何遜擅才子之稱張籍得文雄之號拜恩北闕典試南荒白熨烏蠻詞客壯遊之地碧雞金馬名臣奉使之區斯時也萬里長征雙親遙隔低回叱咭綠迷芳草天涯悵望門閭紅滿夕陽樓角突未秋觀察

公丁外艱歸丙戌春服闋始奉太恭人北上焉樹飛馴
雉擁省郎之青纁冠帶神羊捧侍御之白簡壬辰歲授
永平府知府鵬野龍城星輅問俗雞田雁塞露冕勸農
不作鄧都之鷹祗攜閩道之鶴姦頑漸化革帶牛佩犢
之風廉潔自持堅使馬如羊之誓太恭人猶且警虞潭
以忠義勗崔寔以公明衣被所餘曾無德色鞭笞之下
乃有頌聲蓋自出守永平以至分巡清河如一日也觀
察公宦情素淡計決收帆歸興正濃氣消叱馭罷射北
平之虎將盟東海之鷗爭欲爲太恭人進九秩之鴛鴦
祝百齡之鴻算萱榮堂北蘭采陔南與其宦海淹留鮓
封陶侃曷若家園侍養雞宰茅容從此七旬蕭愿尙有
木雞書屋文四集

卷五

八

高堂八表邱爲永依賢母何幸如之特以三載戈兵四
郊烽火正值大壑鵬張之日尙非慈闈燕息之時尙遭
長途鶴唳之驚殊乖孝子烏私之報蹉跎旣久殫殫遂
深青黏之散無靈白柰之花已兆卒於甲辰四月十五
日享年八十有九宜觀察公之對帕銜悲捧旆致慟社
停桑柘詩廢蓼莪者也雖然夫恭人年隨德茂慶與善
俱象服翟衣旣膺美號犀翹爵鉅無愧令儀回憶當日
者蠶尾交侵鴉音不歇怒移見蟹危伏掇蜂况復家徒
四壁破窗紙而蝶飛屋漏七星澁竈泥而龜坼貧空雁
粟寒乏牛衣幾幾乎鳥屢傷弓蟲頻食蓼矣所幸福門
日盛珂里稱榮加以觀察公愛日情長流霞酒泛種子

母檀爨之竹戲婦姑脂膊之棋奉杖鶯辰扶輿蟾夕供
庾沙彌之甘蔗獻陳叔達之蒲桃山濤就衰能承色笑
荀顗漸老敢憚勤勞以六十五歲之兒依然嬰稚竭一
十九年之養足慰生平斯亦何憾也哉太恭人稟受素
厚纖微必親起爭雞先宿每烏後而且霜儉律已雲慈
覆人拯涸轍於西江借餘光於東壁以故任昉祿米半
乞親知楊惲貲財恒分族黨陽金手擲陰德耳鳴初觀
察公艱於嗣太恭人爲迎桃葉遂茁蘭芽阮氏高門特
生遙集李家先德已達亥師燕玉呈祥犀錢啟瑞益見
其儲休有自造福孔多也已爰索蕪辭爲揚芬範芳華
誅素殊慙希逸之才端懿昭形徐俟蔚宗之史

木雞書屋文四集

卷五

九

君諱萬源字星廬嘉善人府學增廣生祖鴻逵縣學生
善書工詩父汝鏜乾隆壬子舉人官龍泉縣訓導君弱
歲耽書妙齡延譽戴逵遊戲便作雜碑張儼聰強立成
犬賦年十九始出應試卽補弟子員遂乃銘心自厲焮
掌忘疲劉知幾練習史材李崇賢專精選學三十乘圖
書之秘勝於張華八千紙鈔撮之勤似彼崔愨於是奇
思風湧麗藻霞蒸談折朱雲曲高白雪方千織字妙得
龍梭沈約諧音詎煩牛鐸時山陽汪文端公按試禾郡
君以投醪賦受知冠其曹偶吳興尙書雅知東海洛陽
開府獨許宛陵稷旣入於狄籠衣宜傳夫范鉢無如雞
木雞書屋文四集卷五

壇望重蟾窟緣慳縱秋實春華學能兼擅而冬雷夏雪
才竟違時淮南雞犬偏易飛騰江上魚龍卒難變化痛
蛾眉之未嫁巾笄生悲嗟燕領之不侯弓刀長嘯爾乃
遠離蓴浦隨宦栢州楓樹灣頭紅葉鋪徑桃花隘口白
雲漫山龍吟鑄劍池中鳥語留榭閣外嗣復帆過淮城
棹停袁浦蛙聲五月之雨蜃氣一湖之煙滿天雲意鷓
鴒亂呼終古江流鼉鼉爲伍觸目風波之險關心旅況
之艱因而社燕倦遊勞魚永息霧豹藏跡文章益奇冥
鴻閱飛羽翰偏逸漢唐絕業自定千秋吳越才人應空
十輩故其標舉性靈抑揚風雅囀春鶯於葉底流轉如
環撲秋鶻於峯巔精爽時露能參五際自成一家則有

墨磨人齋詩集若干卷笛家善唱琴譜慣修松姿獨清
蘭格彌靜手持紈扇涼呼白燕之魂口咽玉簫醉倚紅
鸚之曲則有杏花春雨館詞若干卷若夫篇篇積玉字
字擲金木海郭江特標雄製宋風謝雪尤騁妍辭則有
延綠草堂賦稿若干卷至於裴松注史盡輯奇聞向秀
釋莊別多解義掃前人之紕妄示後學之津梁則有陳
迦陵四六注若干卷晚年來更精考據不懈校讐長卿
才士兼授七經仲宣文人亦通三禮則有周易名物類
考禮記鄭陳異同若干卷况復纂詞林於中葉酌筆海
於前修悵庾信之篇章存惟有五惜安世之書篋亡已
經三雖窺豹而未全冀調鯖而得合其勤搜鄉賢之遺
木雜書屋文四集

卷五

十一

集有如此者而且青氈高坐絳帳宏開揚雄立問奇之
亭張楷成學道之市謂讀書端宜識字考古先貴審音
恐凌霄蔽日之姿不歸繩墨願躡電追風之駿悉受轡
銜其善誘後進之苦心有如此者惟余與君並采芹香
互披蘭馥得如烏幕溫石俱羅絕似兎園鄒枚並集稂
苓藥我口雖苦而疾瘳醇酌飲人顏未醜而心醉四十
年鷺盟永保一百里魚素頻通猶憶庚寅初夏癸卯首
春賓至如歸客來不速同遊古寺飽餐雁塔之雲共載
畫船戲弄鶴湖之月夜永而流觴無算談深而拂劍有
聲欣風骨之依然訝霜髭之如許何圖未周六秩遽返
九霄小別幾時竟成千古大招何處莫慰知音宿草已

長紅心故交誰敦白首電絕文采露晞山阿生賦九歌
天真難問死憐三拜鬼豈有知卒於道光乙巳八月朔
得年五十有九子六人長名堯桂府學生瓊頤家學早
聞四方紀羣交游兼及兩世今堯桂已乞霽青太守作
誅復以傳文託諸鄙人承先志也嗚呼風花錯迕抱痛
松楸煙墨叢殘急謀梨棗竊哂李郎一集徒擲溷中還
欣晏子七篇永留楹下此日追懷白社空招騎鶴仙人
他時重過黃蘆爲弔狎鷗亭長

狎鷗亭長君
晚年自號也

木雞書屋文四集

卷五

三

沈麗賓道人傳

驪賚諱蘊和姓沈氏海昌之硤石人八歲出家於乍川之城隍廟以初平牧羊之日作玉喬控鶴之身月步雲姿來從瑤澤霞翎雪羽降自珠田早見其風骨之不凡焉先是廟中有鶴懷道人列品於七十二仙儲精於八十一氣恬吟密詠鶴振翮而遙聆潑墨含毫龍點睛而欲活春酒罷酌時眠落花秋琴昨張且佇涼月神游黃古境隔紅塵麗賓其徒曾孫也淵源有自堂構相傳閒吟伯雨之詩偶作華光之畫桂華挹露芬滿一山蘭氣迎風香來十步而且胸藏智玉骨蘊慧珠敏決如流機宜洞照每當人如麋至事比蝟繁疑酬接之難周亦經木雞書屋文四集

卷五

三

營之易倦而乃言流珠玉鋸屑欲飛韻帶烟霞不夜自暖層城結伴李鍊師見重香山海島從游焦羽士得交摩詰觀其三十年來以廟事爲己任展四達八窗之畧聚九柯十匠之材畫拱熊躡瑤囊鸞翥煙棲虬榜星入蝦簾網戶迎秋曲房延夏雲蘿四壁水竹一軒日方照而霞障紅雨未來而霧筵碧樓頭俯瞰馬拂于鬣池面平看魚銜百尾無何值壬寅四月之變星狼燄熾風鶴聲喧鯤背高撐豺牙狂噬鬼哭空青之樹神號太赤之宮雖海濱之狎鱷旋移而屋上之妖狐競嘯井堆牛骨日炙彌腥庭積蛟涎風吹不散簷頽鳴吻瓦解魚鱗蛇盤粉壁亂墮輕輒鳥啄風箏時飄碎玉乃憑修月之斧

直葦凌雲之臺犀象不驚鼃鼃永戢溪山明秀無頓食
墨之龜輪奐丹青復見賀堂之燕此則臞貧之有功於
廟宇者最鉅也奈何河魚無恙巢鷺告災竊謂難能砥
鼎道力長堅豈知蟬已蛻翎仙風遽杳竟於甲辰七月
初四夜無疾而終春秋四十有一貞白委化屈伸如常
思邈仙遊顏色未變異哉僕也木塵中客結方外交驚
來逸少之家鶴入長公之夢乃閒尋白鹿劉威之贈句
方新而遙控青驪張賁之傷懷何極其徒孫殷葆真乞
誌風徽將徵哀輓藕花十丈已歸太乙之仙舟瑤草一
莖請奠長庚之絮酒是爲傳

木雜書屋文四集

卷五

一四

書顧豫仙事

顧豫仙名鵬飛字程九浙江象山諸生學通九流才蓄一石登高作賦疑小謝之後身臨池習書得大王之遺法然而俗疵文雅人惡俊英指躍冶爲不祥目柯亭以廢物鶴裘典盡囊空入手之錢鶴料飢來炊乏撐腸之米窮魚失水旅雁叫秋一枝吹吳市之簫半束乞齊鄰之緼荒村月落作陶令之叩門破廟風寒擬阿難之拓鉢花飛藩溷玉掩泥沙消白日於播間任彼挪揄而笑指青雲於天上依然顧盼自雄嘗行乞至金山之張堰時諸士子將赴關廟文社豫仙先往入座僧徒叱之豫仙大言曰我亦能文者何輕我也旣而諸士子據膝叩

木雞書屋文四集

卷五

五

唔皺眉思索豫仙乃曰吐鸞鳳手揮龍蛇以袂蒙屨輯之容極墨舞筆歌之樂藻摘五色脫稿竟署龍頭力掃千軍主盟俾執牛耳於是憐才晏相好士平原惜星鵲之無依勸雪鴻之小住燭分東壁浪激西江脫却鶉衣競致輕裘炫服拋將鼠食飽膏大酒肥魚栖幕之燕可安束脩之羊且滿無如任情落拓秉性猖狂閉以雕籠青鸞因而停舞羈諸皂梃紫駟從此罷嘶神龍則氣貫難馴角鷹則飽卽思去酒旗戲鼓浪跡酣嬉僧帽道鞋行踪詭誕旣奔走之無定亦辱侮之孔多雖羣盜見憐偶知李涉而醉人無識慣罵蘇瞻卒之夸父之逐日徒勞列子之御風未善秋蟲秋鳥時爲遠客之吟江草江

花不入故園之夢千山獨走嘔出詩肝一緡恒隨埋將
醉骨未幾卒於鹽官法喜僧舍墨子之突未黔黃公之
壚已邈丁仙鶴返應悲我已無家甲口雞鳴誰念鬼猶
求食此亦可謂天壤之狂生人間之畸士也已甲戌之
春余遊白涇單君靜山談及豫仙遺事故至今猶約畧
記之云

木雞書屋文四集

卷五

六

五之三

昔余讀白雲單君靜山詩又若山巖事始至合蘇徐良
亦食此亦何暇夫變之玉主人問之湖士世曰甲戌之

春余遊白涇單君靜山談及豫仙遺事故至今猶約畧

記之云

此不入苑園之夢千山獨走嘔出詩肝一緡恒隨埋將

學人善陳蘊齋事及由陳蘊齋書信與野齋書而陳

陳蘊齋名球自號一簣山樵秀水人家在瓶山之麓少
補博士弟子員屢蹟秋闈彌勤冬學讀書深柳之堂撫
卷孤松之徑月吟雪諷力行尤勗十年雨晦風瀟高論
每及申旦名高馬帳望重龜山打頭之學舍三間接脚
之門生數輩生平最工駢體文暈碧裁紅六朝綺麗抽
黃醜白四傑才華嘗得馮夢禎所誤寶繩祖傳因成燕
山外史三編陽亢宗鍵戶六年崔慰祖聚書萬卷言皆
塵合句必珠聯鳳藻騰龍縑霧落高歡媿之境花都
解顏抒愁苦之詞燭亦垂淚顧其所以著是書者固別
有寄託焉蓋蘊齋以司馬之高才之伯鸞之佳偶憂生

木雞書屋文四集

卷五

七

脫輻禍起剝牀纔牽繫足之絲便肆反唇之劍空舉齊
眉之案忍揮撞腹之刀邢子才偶入深閨竟遭吠狗陳
季常驚聞拄杖難絕吼獅故其外史中言室人之交謫
叙闈內之寡情幾於鼎鑄神姦圖描魔母然亦太甚也
矣蘊齋素擅玉長尤精六法神追北苑妙契南宗孰怨
先天外數峯米元章煙中一抹全相國阮公督學兩浙
時試畫於宏文館名列第二公頗重之後公開府於浙
蘊齋自甘澹泊不事干求免羞營牛宮長閑性惟嗜
酒以此自娛朝泛孔樽夜傾畢甕焦遂高談醉驚座上
潘璋索債立滿門間嘗買豬脂一枚套於左手啖以佐
酒人笑之不顧也良由胸臆抑塞骨抱權奇是何難向

母混乃公且食蛤蜊不知許事晚年處境益貧周捨庭
前惟施荻障沈顛厨下僅噉荇根有聞川學生載脫粟
一航餉之拒而不納獻門人之花練姚察竟爾回頭饋
弟子之盤餐張緒未嘗果腹可知儒者廉果如雞莫笑
畸人操偏似蚓斯真一介不取萬鍾無加者也今者董
帷塵滿揚塚草長詩文俱已散失于君辛伯偶得其小
詩數首急錄入燈窗瑣話中藏鳳半毛獲麟一趾所惜
方于身後未蒙補闕之榮還欣元結篋中畧有搜揚之
舉

大雜書屋文四集

卷五

六

書王茂田太守保守松郡事

自啖夷之躡東南也蛟涎吐雲虺毒吹雪凡守土者靡不望輪車而鷁退聞飛礮而鷹奔列幕千屯憑巢燕雀狂瀾萬頃任浴龍鼉尾不翦鯨鱗誰批鱗其有履霜警備未雨綢繆芒看玉弩之生衆有金城之託老隳當道保障獨勞妖蜃潛溪波濤永奠其惟松郡太守王公茂田乎公以辛巳舉人授江蘇浦縣知縣巡撫林公奇其才調知江寧縣擢海門同知卓茂以盛德見褒杜詩以殊猷報最已畧見一斑矣壬寅四月啖夷陷乍浦松守遽引疾去公奉委權郡是月二十四日受印任事時則顧邑之鸞帆纜退寶山之狼燧頻騰五營官兵七邑軍

示雞書屋文四集

卷五

七

械俱調赴吳淞郡中僅弱卒二百名耳公卽屬募丁壯親訓止齋捐修子城務令堅固五月初八日夷人攻吳淞提督陳公化成功戰死之越二日入上海姦人未除趙信勇將先失岑彭已見妖星紛纏太白誰將朽索馭定飛黃敵有黑鴉之軍我無蒼兕之隊望氣而可憐吳墨騰聲而莫破宋孽公急上書乞援請以調赴吳淞之壽春鎮所帶兵二千截留防禦十二日夷船由黃浦犯郡適壽春鎮尤公渤先至公出乞援稟稿示之尤公慨然曰公文官不惜死况我武臣乎遂乃指臂相維爪牙互倚丁晨籌筆午夜傳餐胸運六發手攜一劍征擊雷動契箭風馳時土匪乘間劫掠公擒爲首一人杖斃之

又獲漢姦二人立斬以徇魯盜急捕秦謀旋詠於是任
光持炬而行耿純銜枚而出興霸銀盜遍酌百人楊津
鐵爐亂投羣賊夷人始懼然猶欲取道泖湖直趨蘇郡
公先密諭漁人誘之入淺草膠舵牙泥汚輪腹朱伺則
邀逐水陣王軌則遏斷敵船遂使狡兔技窮但思離窟
貪狼焰息無敢憑城非特五苜免蹂躪之災三泖得安
全之慶而且麋城重地幸脫鯨吞虎阜要區未聞鶴唳
公之力可謂瘁矣公之功可謂高矣旣而鐵甕之堅城
又破金陵之和議旋成公竟以失援上海被議落職論
者以公身當羊犬臨事不驚氣作鷹鷂逢凶必逐以二
千石之職守賢十萬師之甲兵政令先庚而已孚軍民

木雞書屋文四集

卷五

字

旁午而相賀方謂勳名出衆丹青之觀日非遙豈知蜚
語遭彈白簡之飛霜已入官輕雞肋羅黜奚悲福讓麀
頭榮華自在往事付夢中之鹿閱情同水上之鷗虎口
餘生幾經涕淚蛾眉衆誇且任紛紜然而百代是非終
懸日月一時得喪祇等雲煙公旣無賈生問鵬之嗟亦
不作韓公見竭之喜遇坎則止善刀而藏况乎人懷召
伯願留南國之棠吏畏陶公爭認西門之柳辰山遺老
尙戴宏恩申浦殘黎還歌美績公亦可欣然而自慰矣
沈曉滄姜小枚張春水俞少軒諸君皆賦詩頌公而幕
客唐夢蝶紀事尤詳故余得掇其大畧而書之公名紹
復字伯陽山東蓬萊縣人

頌健壇名永剛上海縣武生具五陵俠少之風稟三輔
大人之氣骨堅白鐵品鍊青銅入學後爲上海營馬兵
貌狻隊整鷄鶴糧多三箭穿楊雙竿舞戔劍倚天而白
猿動刀斫地而赤鵲飛恍慨直前願蟻蝨生於介胄跌
宕自喜冀貂蟬出於兜鍪蓋其存宗懋破浪之心立樊
遲淪溝之志固已久矣乃自曠夷之入犯也魁蟹橫行
屯蠶逞毒鼉梁雲暗鱗窟煙昏壬寅五月既陷吳淞旋
侵滬濱君則怒歎盈市憤指鱸濤荒雞鳴而晨興神龍
躍而夜嘯賈生流淚欲繫尉佗徐樂直言只憂閩越斯
時也倘得黃帽從軍白衣搖腸統組練三千之士領橫

木雞書屋文四集

卷五

三

磨十萬之師將見燧牛象而排山沸鴛鴦而燃海六十
具急鳴戰鼓封彼長鯨三百斤獨挽長弓獵其雕虎功
成犀手暴戢豺牙豈不偉哉無如事權不屬氛祲日深
敵已然眉官無嘗膽廩邱之郭猛顧而顛鐵上之車羅
疇而伏雉堞百堵孰如賊質之堅持蛇矛三交僅見陳
安之戰死謂陳忠愍君乃先驅其妻子入池已亦赴水鄰人
急救妻子得生而君已絕命矣軍無後繼李苗浮河寇
盡入門吳巒投井潭州奮楊霆之義肯惜微軀襄陽湧
張順之屍尙餘生氣斯則孤忠自矢含笑蛟宮大節無
虧怡神鷗國身葬魚腹名留豹皮矣君好詩書能吟詠
傅永論兵之暇涉獵史編呂蒙置陣之餘解談易理宥

渠揮翼德之字華光唱景宗之詩嘗有聞雁句云想是
孤鴻尋舊侶今宵相遇月明中人頗稱之旣而筆擲虎
頭經拋牛角厲健兒之身手効祈父之爪牙而乃壯志
難酬奇猷莫展竟作騎鯨之太白已成化鶴之令威未
揮狼曠之戈偏獲死所足愧羊斟之御枉自殄民今者
草生官道壁壘青銷花落戰場髑髏紅泣所幸維桑生
敬設桂傳哀附主於陳忠愍公祠當年赴難作水仙王
此日棲神依木居士杜幾亡而加贈卹紹宗溺而配廟
庭奉四時之馨香風六軍之義勇欲知遺跡試尋屈子
湘流若喚英魂請視江家止水

書柳貞女事

柳貞女名新眉字依依吳江平望人粹質珠瑩柔儀玉
耀倚膝捧硯攬秋入詩回眸理裙流影在鏡花嫋竹
對午檻而寫生長笛短簫傍丁簾而度曲至於閨中織
素機上流黃華牽綠仙絲補紅女則又靈心獨運妙手
絕倫使其贅曲逆於外黃浮淳于以天白得成佳偶自
是好逖而無如所字趙生世亭六氣潛乖雙睛頓失爲
抱郵表之疾致損到漚之明不圖徐晦之賢偏類姜愚
之困女家父母聞之恐丁椽之終盲恨丙符之不效未
歸之子便返原虞而女不知也旣而微聞消息無限驚
疑紅豆風悽碧桃雨泣慨然曰焉有一女子而事二夫

木簾書屋文四集

卷五

三

乎旣鸞鏡之締盟豈鳳簫之重引曾雀屏之大選肯鴛
帳之他移而况張太祝偶患青盲非終瞽目崔慎由暫
遭黑翳旋復清矚卽使月苦雲遮花愁霧掩盧太翼瞳
人永闕尙堪手摸詩書楊希閔眸子難痊亦可耳聽經
史忍以左公之喪目而違梁案之齊眉乎遂乃口舌紫
磨腹硬黃鏐兩間之正氣獨存一縷之香魂遽斷回天
乏力可憐曙後星光搗藥無方誰返空中月魄秦灰累
劫趙璧仍完豔影消霞冷光披雪時嘉慶甲子三月二
十一日也女年一十有七然而事更有奇焉者蟾蜍抱
憾方悲擲地之金精衛含冤能化補天之石是年十月
趙日忽墜非必煎百花之散竟復離明未嘗佩五明之

囊條開蒙蔽人僉謂女之默佑也惟是金篦雖刮玉鏡
終拋七燈懸而夫目重輝一環咽而妾腸早裂鶯湖水
近碧波亦帶哭聲虎嶼峯遙白日從教變色所幸蘭儀
未沫松操獨撐事畢青春人嗟珠碎義垂形管天實玉
成不有文章曷彰貞烈宜採山南之石爲誌芳徽大書
河東之名永昭勁節

木雞書屋文四集

卷五

三

兩東之邑承昭勁節

河東之邑承昭勁節

河東之邑承昭勁節

河東之邑承昭勁節

河東之邑承昭勁節

河東之邑承昭勁節

書烈女趙二姑事

烈女趙二姑山西榆次縣東雙村農家女也俗原勤儉
本山樞蟋蟀之風人更端莊鄙野水鴛鴦之隊道光初
女年十三矣鄰人閻思虎者鷓鴣蛾眉思穿雀角伺其
父母他出突至犯之女也辱遭牽臂恨切剝膚何物狂
奴猝作蜂狂蝶亂可憐弱質猶然燕鷲鴉雛及其父添
和歸女以告添和躊躇久之蓋以射雀有人已紅絲之
早繫棄龍待婿宜白璧之藏瑕女乃解佩吞聲牽衣掩
泣旣愧尹家之賢女拒杜殺而被戕又輸王氏之嬌娥
擊梅芳而自殺納汙含垢亦奚以爲越數日父始鳴諸
官而思虎財可通神錢能使鬼值有司之貪墨爲無賴
本雜書屋文四集

卷五

五

所箝持迨被訊時縣令不問思虎苦質烈女謂其有柔
中之約謂其忘李下之嫌漫言女子善懷故教龍吠却
喜好官自做邊惜鴟嘯女出謂父曰此寃不得伸矣添
和曲慰之翼日復訊令詞色益厲罔顧階下之訴但施
堂上之威女也旣罹薑毒轉謂鴉奔縱入地而負慙忍
戴天而共視一號幾絕五內皆摧寒風颼颼喉茹刃白
烈日慘慘頸濺珠紅女旣死令懼反謂添和殺之以爲
鋒挾青萍實出乃翁之手花戕紅杏遂離倩女之魂是
并欲誣其父矣女之叔父添中上訴都堂奉 旨覆訊
郡守欲令其母曹認與思虎姦以實烈女之和謂教猥
升水本由徐娘誨淫毆爵入叢何怪衛女喪節曹怒甚

以頭觸地幾死是并欲誣其母矣斯時也里巷痛心道
途側目憤豺狼之得志嗟魍魎之弄人而封疆大吏則
又巧庇貪庸罔知節義雍州立判南山之案無移子公
不生東海之冤莫白幸御史梁公中靖白其事於朝
請下刑部思虎至刑不具而辭伏鬼扼其喉天奪厥魄
孽同梟獍死有餘辜戮等鯨鯢罪無可追遂乃下鸞
章而光貞烈頌鳳綵而闡靈芬梁獄終伸孰謂君門
之遠秦寃獲洗誰言天網之疏一時問官皆謫或有差
梁公擢太僕寺少卿凡以厲民風肅吏治也昔康熙間
錢唐有孫秀姑與閻士積爲鄰士積亦號閻虎百計挑
之秀姑則宋王臺畔絕意捐生董相車前甘心慘死花
木雜書屋文四集

卷五

五

拒雪而無力月當天而有光命隕一宵屍香十日如何
百餘年來又生毒獸三千里外復出於菟或虎而冠或
虎而翼其害人一至此哉然而深山之白魃黑魑罪莫
逃夫三尺香閣之青鸞丹鳳節皆旌自九重敢作虞
箴庶垂殷鑒

尹香語溪王氏婢也誦靈光賦解柏舟詩眸子一雙光
能顧鳳年華十五髻僅垂鴉王之戚潘生者少補博士
弟子員學貪雞跖遍讀典墳利寬蠅頭兼通市販文章
玉樹丰度瑤林人誇城北之徐女愛牆東之宋一日香
奉遣過焉生直前逼之慘綠妙年偎紅韻事將打槳而
迎桃葉先凌波而折蓮花香乃依依一脈叩叩兩情謂
妾貌甚愧驚鴻君才有如繡虎以碧玉小家之女侍琅
琊大道之王固所願也特是女子善懷男兒薄倖誠恐
翻雲手幻定須指日心堅於是燭點羊燈香焚貌鼎訂
秋期於十索合掌來前返春意於三分低頭拜祝無何
木雞書屋文四集 卷五

生之母妻忽至生欲逸去香固止之曰此終身大事也
並非偷說風懷何必曲防露眼遂復牽星郎而共禱對
月姊而仰祈佛香裊裊畢罄丹忱仙珮珊珊遙聞清響
母妻等咸以爲奇焉然而月照初三人方逞豔風經廿
四花正遭魔香歸自潘氏其主母則歡諧鳳卜其主翁
則怒發虎威以爲何物輒生漫相鶻突誰家竈婢妄作
鶻奔棒喝當頭杖擲落玉鴨遭竿打鶻被珠彈從此青
溪白石一水門遙碧漢紅牆半天路隔安得廐中借馬
入種追還縱教扇底畫鸞芳姿空憶時同邑有姚令者
作寢羊城欲求雁婢聘香同往議已成矣行將有期人
忽不見俄聞水中拯得一人視之香也東君太忍遠嫁

蛾眉西子含悲願殉鯨腹懼爲鮑妾之易主甘作曹娥
之投江雲泪湘鬢珠沉漢佩鬱金玳瑁栖燕咸驚麗玉
笙篴枯魚亦泣濕衫痕而似雨縐裙摺而生潮雖魂返
蛟宮依然紅袖而緣慳駕社邈矣黃門未幾又有吳門
沈孝廉者四十無子正室以疾廢欲娶香爲側室議又
成矣香則決策幾先熟思事後魚軒甫至鷁舫欣登旣
入沈門忽焉辛房障袖午夜啼妝犀角帳中口銜石闕
象牙牀畔淚落連珠任教萬喚千呼不解三心五濁如
是者數日沈乃委曲導之謂余名噪張憑貲盈陸賈苦
無顧氏之熊須得苟家之驚或者石麟下降玉燕早投
亦汝之福也香因斂衽以前整衣而拜明心月炯義色
木雞書屋文四集 卷五 亥

霜飛羅敷本自有夫使君無與窈娘若真別嫁郎主何
堪遂其道所以然者時則生也賓鴻遠去社燕初歸意
態徬徨精神恍忽隍閭索鹿天上望鸞未醉仙桃先嘗
苦李回憶鏤臂定盟披肝共誓言猶在耳事豈忘情面
映花紅崔護之去年可記手攀條綠韓翃之往日難追
恨繞羊腸音乖雁足西窗曉夢玉鸚鵡何日歸來南浦
離懷鄭鷓鴣此時愁絕紅羅三尺擬挂青枝白滷一尊
將埋黃壤生母計無復之遺媪入吳備述顧末香泣然
曰我固知生之不相負也碧草馬蹄郎行似水桃花蛛
網妾命如絲我分死久矣亦欲令他人知我心耳沈故
豪傑士也爰乃掀謝太傅之幃開王將軍之閣春風好

去韓混還戎昱之姬蕭郎路人于頓返崔郊之婢只道
延津劍化誰知合浦珠回猶幸瓜時未遭蠅點劇憐花
信免破蜂銜由是母妻皆大喜俾成禮焉嗚呼誠心點
石直欲成金竭力磨磚終期作鏡耐得三年之雨迎來
一朶之花生衣如蝶黃不能勝薄髻同蟬綠猶無恙得
卓女以解渴求絳仙以療飢馬空冀北之羣獅罷河東
之吼而又念沈氏之好義也鷹許脫鞴魚能解網啣玉
而酬楊寶鎔金而顧孔愉然非香之心似犀靈智同龜
鑑亦何能長辭白扇之悲卒免緣陰之憾哉

木雞書屋文四集

卷五

五

蓋聞韓公北使侍女潛奔枚叔東行小妻不往良以義非伉儷身可去留在生前未免薄情豈及後能持勁節

若夫鸞封淚鏡蠶斷愁絲飛簷角之梅花雲還繚白落江頭之桃葉雨不能紅命殞高樓關盼忍辜恩眷軀捐

客路清娛遂作神靈則有如戶部侍郎李栢堂學使側室王氏是也惟公秀毓滇南名高冀北翰林六絕學士

入磚材與地以雙清 命自天而三錫職除常伯李絳不進羨餘官領右曹蘇轍善詳賦役乃以金倉之重任

復持玉尺而量材定沈宋之品評胸中有竹分王盧之次第眼底無花時公鸞膠已斷鴛侶先亡賴有紅線之

木雞書屋文四集 卷五 三 掌書可作黃花之續命遂使小青之慧質得隨太白之

仙才人珊珊其來遲花齟齬而欲笑曼倩退朝之後羨遺細君子京修史之時墨和侍婢况乃腰如荆玉獲奉

羊公貌似真珠欣歸牛相非特容華絕世抑且福分殊大然而稟性端莊吐詞婉順恐呼丙子招杜佑匹嫡之

嫌敢號向書恃王導私情之寵斯則周家絡秀嬾厥賢聲趙氏陽臺遜其淑範矣無何赤蛇之祥方期易綬白

雞之夢遽應飾巾公於戊申首春二豎偶侵三醫罔效姬則辛勤調護子細扶持莫挽騎鯨空嗟化鶴遂乃呼

天大慟伏地長號半臂瑛披一襟瓊裂金釵蒙匍幸侍監龍王釧輕拋懼為阿鶩已斷燕姑之夢逾深韓娥之

悲懸白組之一端煙消吳市垂紅羅之二尺風振齊臺
蓋公薨於正月二十一日姬卽於二十二日自經以殉
年僅二十有一斯時也林鴉有聲梁燕無影春波南浦
樹不藏鶯夕照西陵衣都化蝶碧蓮挺挺埋洛水之神
魂紅柳珍珍滅燕支之顏色霜老啼鵲之石雲昏弔鳳
之山此非以禮義爲佩斫以貞亮爲槃表而能若是乎
或者謂姬倘忍死須臾不辭艱苦帷車萬里馬助哀鳴
過峽百重猿隨悲泣黑龍潭外銀鳧輝甲乙之阡碧雞
山前金雁奠庚辛之穴豈不足以表小星之穆行樹後
日之芳型而不知姬也瞻照若月氣高於雲芝蘭感雨
露之恩松栢凜冰霜之操苟非義重熊掌命輕鴻毛趙
木雞書屋文四集

卷五

三

瑟朝摧秦環暮碎亦不過韋臯少妾憶黃雀於前生沈
慶愛姬馳白駒於半夜徒邀嬖寵莫播香名又安見楚
晚芳草薰以十年嶧陽孤桐高逾百尺也哉今則瓊樓
月黯瑤海花冥留奇節於鹿城傳烈名於蛤水蟬鳴漢
殿盡作離聲烏近蜀城俱含血淚青林蕭瑟長飛夜雨
之磷彤管輝煌宜表朝雲之碣

賦珠聯璧合無燕文之類也

懣不厭憐心照西刻交陪

五對三

蓋公薨於正月二十一日姬卽於二十二日自經以殉

悲懸白組之一端煙消吳市垂紅羅之二尺風振齊臺

木雞書屋文四集卷六

平湖黃金臺鶴樓

冷仙祠堂碑

原夫南榮北燭荒誕無憑九井十洲虛誣難信神仙之說儒者罕談然而張楷潛形能爲濃霧孟欽遐跡變作旋風入鳳麟洲乘龍虎躋幻化之事九百寶錄之文五千亦豈盡僞也哉我今謁冷仙之祠而歎其名在緣籍身歸赤城冥鴻遠飛免羅罾繳文豹高隱迥脫囂塵此蓋自具根源而非徒誇奇詭也仙諱謙字啟敬元季人居禾城春波門內詩宗伯兩畫法華光而尤精於音律擅蘇門之鸞嘯學緱嶺之鳳鳴洪武朝官協律郎定郊木雞書屋文四集卷六

一

廟諸樂章豬駭雉登情文迭奏鵬爭夔吼條貫相生無何爲卹貧交偶行左道作東方朔之遊戲拯北郭騷之饑寒事類攘雞情同盜馬豈是尉遲書帖聊攫貨財幾如孫奮竊金將遭收拷仙乃挈瓶有智入甕請先掩七尺之微軀鍊九華之精氣羅公遠深藏石礪尙有聲音費長房跳入藥壺杳無踪影盧耽化鶴朝列僉驚元放變羝旁觀盡駭縱復環推齊殿斗撞楚軍其奈仙人乎哉嗚呼南柯蟻穴笑富貴之空忙東海蜃樓看神明之善幻惟仙控馭入極飛騰九陽獨運鯤溟自同蟬蛻殿門脫走誰知介象靈蹤衣服空懸莫測玉嘉異迹暫經小謫旋返大羅祠今在圓妙觀東偏白雲時生紅日不

到霜飛駕五星入鰓簾鶴馴於雞犬吠若豹客踏綠陰
而上仙隨紫氣而來石曼卿合主蓉城陶貞白宜居蓬
島蕊珠天近思尋勾漏丹砂朗玉人歸欲問華陽白蜜
相傳祠中祈夢最有徵驗音容可接符騎獅射蜃之占
寤寐潛孚應舞鶴搏鵬之兆決窮通而如響判得失而
無訛蝶幻由人鹿藏問我卽此一端亦足見其英爽之
常存精誠之不一者矣銘曰

仙之靈駕虬來碧雞坊裏琪花開雪羽霞翎好骨相三
十六天隨所向宵深吹律風冷洽紫雲飛墮城樓上生
前金可取生後夢可祈千變萬化人奇事奇惟南湖之
勺水卽仙人之瑤池

木雞書屋文四集

卷六

二

夫太冲才藻未聞吏幹推長輔嗣清閒不見事功顯著
離云良吏無濟生民若乃盤根錯節之區擊轂摩肩之
地苟非具公望公才之畧兼用文用武之能安得害馬
都除驅雞善使也哉乍浦五方糶雜四境繁華屢閉雲
連帆檣霧集外夷逞蛟鯨之虐內地藏雀鼠之奸公狗
橫行城狐難去緩則有沉腿之患急則有束濕之虞乃
自桂林龍公之莅任海防也一官強項萬事察眉鉤距
善施鞭笞不貸吏踏春冰之士人行夏日之中畫不演
魚里之優宵不唱鳳樓之曲榜蒲戶絕陶侃則痛責豬
奴花柳街空包恢則嚴除狐妓姦人詐馬高謙之密破
木雞書屋文四集

卷六

三

其謀妖女挾蛇王剛中立繩其罪而且廣設耳目遍佈
腹心猴入庫而揚繪卽知蟹鑽離而沈邁已覺遂使倉
沙賊泣拜斗狸驚虞升卿之境中賊俱駭散宋世良之
界外盜悉遠奔此則公之鋤殘去莠蕩垢滌瑕有功於
民者最鉅也况復溫肅相濟恩威並施則見任延涖官
關心儒術異質爲改注意弦歌技薄雕蟲受斲者青牛
文梓奇傳相馬空羣者紫燕桃花公於是重興書院焉
至於杜畿執經高祐立學栽培蒙穉漸成蛾術之功延
請師尊爲具鶴糧之費公於是特開義塾焉又以龍鍾
垂老誰與扶持鵠病餘生疇爲資養寒回烝谷動玉望
之愍憐澤沛岱雲作韓哀之振給公於是設養濟院焉

復以蜃園之風徽已邈龍湫之祠宇久荒表彰前哲蕭
服興孟宗之亭修復舊規王商重嚴遵之祀公於是葺
介節祠焉若夫雄文如潮靈思若月敲鏗於判牘風清
之暇研索於訟庭電掃之時海色收歸神龍欲舞山光
洗出天馬空行香山諷諭之辭叔簡呻吟之語路鐸所
述者十二訓義切惻癘戚綸所示者五十篇情深勸戒
著書禿兔連軸汗牛加以隸篆紛披直追北海丹青渲
染妙法南宮此尤見公之風華絕類娟雅超倫者矣然
而孤芳易忌薄俗難容魯不識麟鄭偏謠董思彈黃鵠
妄作青蠅良由疾惡如風以致飛言似雨公且適爾自
若坦然不驚鳳無啄腐之羞龍有難馴之氣杜陵男子
木雞書屋文四集

卷六

四

強直自居卽墨大夫毀讒何害而太吏亦明知公有守
有猷不諂不瀆未徇借寇之請持上薦禰之章佇見雲
路鯤升風衢驥展郭賀以殊勲報最服賜三公祭彤以
異績見褒秩增一等惟是乍浦紳民親見公三年以來
明鏡高懸智囊獨運設三科以禦暴定四誠以諭蒙遇
疑能斷本如晦之高才無令不行同孔明之治法花濃
四野鶯燕交飛潮晏九峯鼉鼉斂跡今者願留陸馘將
成佛寺於相州欲報王堂擬建生祠於巴郡爰紀張堪
之政待刊阮畧之碑以金臺曾蒙吐握親接笑言特許
拈毫聊爲播德所恨才非吐鳳莫詳杜纂之芳猷文愧
雕龍未盡盧潛之美績謹爲頌曰

東海之濱繁劇難理自公下車政聲日起雷厲風行令
發如矢雀角無穿鼠皮有耻公曰徐之猛濟以寬義顯
眉睫仁流肺肝憐才眼慧課士心殫經術飾治美非一
端昔宰荆南屢報佳政今官浙西士民交慶彼不知恩
自恃梟獍鑑磨愈明波搖愈淨英英卽君爲第一人韶
年文鸞當代祥麟天之報公以公賢勤欲知公績視此
碑文

木雞書屋文四集

卷六

五

碑文

五文鸞當升輶觀天文躡公以公賢謹爲錄及獻無由
自許臬竟蓋觀愈閱愈驚愈勇英英酒香氣潔一人隨
識昔宰荆南屢報佳政今官浙西士民交慶彼不知恩
自恃梟獍鑑磨愈明波搖愈淨英英卽君爲第一人韶
年文鸞當代祥麟天之報公以公賢勤欲知公績視此
碑文

世之迂儒動言事親之道髮膚不可毀傷支體不宜滅
裂然而孝子當悲痛之時作急迫之計安危未嘗縈其
念利害無所介於懷蓋亦出於不得已也不然果若人
言則是寶辜嚙指王翰挾睛呂昇探肝進昭截腕俱非
庸行有屏常經何以光昭史乘見重大倫哉吾故於華
亭顧徵君事而有感焉徵君諱德言字荻洲母葉太安
人忠臣之裔名宦之家鸞鏡纒開鶻絃遽斷孀娥表端
正之月慈佛現吉祥之雲時徵君猶齟齬也製被而給
孟仁織屨而昇方進教陸印以禮度勉華譚以詩書徵
君亦善奉慈幃仰承閭訓暉留綠野杖邊花雨之由曲
木雜書屋文四集

奏白華琴裏松風之屋旣而太安人疾嬰二豎醫罕十
全趙昱祈神焚香六月劉霽侍寢束帶七旬口中之藥

石無靈臂上之脂膏或驗母昔刺血絕不呻吟

徵君父病革時

太安人刺血書疏願以身代

兒今剖肱敢言痛楚果然血方灑地誠

可格天默鑒烏私許增鶴壽現奇光於夜半褚母漸瘳
得寸絹於空中蕭親旋愈方謂離間黃菊秋日正長海
外紅桑夕陽不去無如駒陰易逝鴻算難延以命伯愛
日之誠抱臯魚泣風之恨回憶單鳧寡鵠二十年守節
持家叫雁啼鶻三十首義聲苦調萱忽凋於堂北蘭罷
采於陔南阮家之鹿不來王氏之蜂已去陶子鏘之奉
諱斷食葍羹庾沙爛之執喪永辭蔗味固宜行孚犬乳

村改烏傷鄉鄰感王脩之哀社停一歲刺史嘉陳紀之
孝像繪百城也徵君文姬歐梅詩追王李書宗顏柳畫
法關荆早已奄有諸長并包衆妙而况克遵慈誨羊琇
竟以全身圖報親恩牛徽并能化盜蹈非常而垂範體
至性以流芬道光初年特舉孝廉方正周家三物教浹
賢能漢代四科名高徵辟歿後李栢香廣文倡議送入
孝悌祠己亥春奉 旨旌表當時鶴版徵書稱其至行
此日烏頭綽楔播厥休聲賢嗣韋人刺史父書能讀先
澤常留撫雪鏢而銜悲對霜鋒而抱慟丁未之秋出圖
相眎舉凡小山之彥大雅之材錦繡連章琅玕滿幅韋
人復徵駢語用附鴻編余可無一言以應之哉因爲贊
木雞書屋文四集 卷六 七

曰

拊兒鞠兒絜惟母德熊膽課書蛙膽療疾

徵君幼病太安人急以蛙

膽治之

而愈 母也勞止沉綿牀第血染萊衣終於不起嗚呼

孝子兩臂癢痕其刀尙存留示後昆邱傑奉甌張敷泣
扇不謂當今古人再見亭林之村村樹啼烏誰非人子
請視斯圖

塔塔喇恭人暨二女殉節贊

兩間烈氣恒在閨幃千古芳聲每傳巾幗若乃干戈動地烽火漲天力窮蒼兕之呼家殉紅羊之叔甘為涸鮒耻作奔騰骨埋純青血濺幽碧啼慈烏於月下泣雛鳳於花邊生女重生男芳徽足式改邑不改井古蹟常存斯豈非力荷綱常氣分光岳也哉則有 誥封恭人塔塔喇氏鑲黃旗佐領果公仁佈淑配也克端闡範尤善軍諮勗仁貴以圖功佐趙昂之運策壬寅初夏暎夷入犯年浦蕘船蟹艇曳到千帆鱗水蛇山來從萬里四郊多壘一日數驚時則果公率其二子曉挂銅鞭宵彎玉弩王遜之怒裂帔毛寶之血滿鞞無何水犀風急海鷗

木雜書屋文四集

卷六

雲屯山頭多鯨虎之羣城內盡蛟鼉之氣入旗部下戶戶狼奔十家營中人人兔脫有招恭人同行者恭人立志已堅矢衷不變以為王刀魏笏數十世祖澤相承何扇周斂二百年 國恩未替當此鯨鯢之逞暴忍同雀鼠之偷生窟室休藏馮妙真自投勺水後園曹匿夏婉常遠赴寒泉衙精衛於滄溟墮蟾蜍於碧落恭人有二女焉一名稱姑十一歲一名榮姑纔入歲隨肩燕閣攜手鴛幃杏靨微紅狂飈莫受蓮心最綠塵垢難汗自知破巢之餘必無完卵涸轍之下豈有縱鱗遂乃婉轉牽衣從容連帶雖遜衛娘之抵璧竟如岳女之抱瓶蓋恭人與二女俱死署後井中此四月初九事也果公創痛

未伸悽愴骨極斧塘鋒蝟偏值奇災靡鳳叱鸞空憐佳
偶大旗日落望蟾影於靈帷衙鼓雷喧憶雞鳴於角枕
旣失眉間之案更拋掌上之珠不得已卽葬三人於井
繚以紅檻封以青磚碑勒於前亭築於右銀牀露重環
珮生寒玉螿風淒衣裾欲化藤纏瓦紫桐抱欄黃荒槐
落青瘦菊慘白簷牙螢度似閃神燈牆角螢啼恍聞鬼
語不亦悲哉嗟乎乍城遭陷以來時事不可言矣李桃
逞豔攀折滿街楊柳弄嬌紛飛入溷鄴中女子適符三
月之謠洛下婦人恨被干奴之辱而恭人及二女則願
同鳧沒免使老鸞寒星墜煙冷月照雪芝蘭一氣每聞
香心松櫟十圍時有靈爽深埋九仞骨肉相依游戲三
木雜書屋文四集

卷六

九

霄精神如在魂隨孤雁身賸文魚鼉不喧鳴龍知呵護
况復鸞章載錫鳳綵持旌窮待齊封宮傳魯頌呼
延西去方崇陔婦之家度尙東行必祭曹娥之墓底須
壽愷已極哀營爰承果公之命而爲之贊曰

長蛟大鼉肆其荼毒灑上兒戲枋頭軍感呂姥蕭娘甘
受詬辱惟我恭人雪幹霜筠二女從之慨慷捐身屍香
十日氣振千春井也何幸葬此良媛殷殷蟄雷爍爍飛
電樹結三枝雲歸一片詔出九天恩及九淵北宮之
節西山之賢定有好風吹開白蓮

夫駝背斷時王容大魁於宋代龍湖坵後張治及第於明朝此皆湖南故事也至於龍陽洲出狀元來之諺載在黔陽邑誌久矣乾隆丁酉歲是洲適見邑侯葉二楓因題龍瑞堂額於廳事偶留棠舍之題眉佇望榭楠杞梓誰作杏林之榜首興歌榭樸菁莪追道光丁酉八月桂林龍見田司馬來宰是邑又於學宮之右建狀元路坊額亦猶葉侯之意歛斯諺之夙應也時則哲嗣翰臣鯉庭趨侍鶴署隨遊以象郡之客星詠龍標之寒雨沾衣柳綠早許神靈調鼎梅紅預傳消息至辛丑歲爲對策第一人丁年首舉甲榜臚傳始悟龍其姓也瑞其名

木雞書屋文四集

卷六

十

也狀元來者自外來也六十年粉署留春三千里蓬瀛得路躍淵有象久鍾赤寶之靈遷地爲良姑借青蘿之傑移來粵桂用作楚蘭鴻爪因緣水仙王早知此日螭頭領袖金粟佛應悟前生尤奇者池上有鳳毛正喜題名手佛治中展驥足適當報最三年一則奪東方虬之錦袍驪珠獨得一則奏西門豹之異績鳧舄高飛兩世功名一家運會何其隆也人但見賦就李程品評交集詩吟盧肇遭際極榮鼇騰大澤之波鵲報高門之喜而不知司馬公以蘇白之大才成龔黃之美政召棠蔽芾僉歌有脚之春寶桂芬芳自獲無心之福旣化敷乎霖雨宜祥現夫卿雲人事克修天機遂洩斯則良弓良冶

說漫誇黃榜之名也哉近者殿撰公錫函高捧典試嶺南
南珊網宏開量材楚北現督湖北學政猶復謙謙逾下抑抑彌

卑前此王寅春殿撰寄題龍瑞堂長律二章燕臺走馬

句自懷新湖水飛鴻情猶念舊謂三生之預定乃兩字

之適符文筆千峯已見弧穿楊葉武陵一曲還期浪躍

桃花嗣後黃虎癡危移山兩學博共相酬唱得詩盈帙

顏曰龍瑞堂集詠金臺僻處窮鄉欣聞盛事遙瞻七澤

知地靈端藉人傳仰企三台歎天巧定非偶合柱連西

粵美談直接三元粵西伏波巖有謠云石柱連中狀元嘉慶間陳蓮史三元應之潮到

東湖佳兆誰開一第我邑有潮到東湖出狀元之謠

木雞書屋文四集

卷六

[Faded bleed-through text from the reverse side of the page, including characters like '木雞書屋', '卷六', and '七']

僊未盧詩集四卷從舅丁舍人卯橋先生所著也方余爲童子時先生頗異目視之五年以長日日隨肩兩小無猜時時聯臂楊悵綺歲源子恭試以誦詩劉瓛髻齡孔熙先與之講義未幾先生聲雋一譽才空十輩余亦願附驥尾待奮鳳毛謂宜范甯之重王忱歎其俊望殷浩之稱韓伯許其出羣矣無如勢處孤危桓公之喜怒易變事多離間威王之毀譽難憑時余尙未弱冠也咄咄逼人鼻能出火營營動衆日致鑠金先生誤信市虎之言遽絕屋烏之愛非王衍之陳事狀見擯羊公豈皇甫之作謗詩被嫌牛相旣而先生蟾宮早上雁塔旋登木籬書屋文四集

卷六

七

紅藥春深共推才士紫薇香近却稱仙官余則伏處蝸廬羈轡牛屋竇牢守志初無干謁之私徐俯作文自冀聲名之立况乃燕鴻相隔三千里難溯長途鵬鷄迥殊二十年不親史席回思少日愧顧陸之齊名那料中年致王劉之絕跡靜言思之嗟何及矣先生伏壁窮探蕭樓精熟學則漢聖詩復唐賢無何疾甚落眉夢驚書髮肝嘔昌谷腸流子雲茲者哲嗣日芙爲先梓其遺詩波瀾一碧纖塵不生華嚴九霄彈指卽現捧瀉編而卒讀傷馬策之空攄余因歷叙始終具詳分合想讒言之玷白早付煙雲念雅詣於乘黃難回歲月百年如夢劇憐易逝光陰九原有知諒勿再生帶芥

磨勒盜綃圖跋

郭氏奚奴名傳捧劍王家小史號著典琴或憐穎士之
才或守子淵之約此皆紀綱之恒事而非贅御之美談
乃觀磨勒之事崔生令人不能無感焉當夫王敦閣內
侍妾日成夏直簾開寵姬心許反掌而殊多宛轉指胸
而無限低徊因雙鳳之相思致千牛之抱病磨勒則掀
髯奮發攘臂躊躇欲取蛾眉須探虎口當三五夕度萬
千門十院高超一甌小飲練錐攜去豈愁猛犬披猖錦
橐負來定使驚鴻下降緣有雙環之合官無一品之尊
可謂得豪傑於奇奴收英雄於健僕矣所異者磨勒負
七尺之雄軀挾十分之壯氣誓同鶴翥矯若鷹騰何不
木雜書屋文四集

卷六

三

奮跡輿臺顯劉鄩之戰績何不脫身傭隸奏郭進之軍
功何不效柴紹之奴竟爲名將何不學渾瑊之僕得拜
郡王而乃輕試霜刃漫提雪鏑一具銅筋鐵骨祇因才
子而酬恩半生義膽忠肝第爲美人而獻技歎奇材之
小用非美績之堪稱可不惜哉誰將免穎繪出虬鬚狀
距躍曲踴之形寫叱咤喑鳴之概若夫忠如李善逃山
谷而哺孤兒賢似王逵守臺門而救故主斯其義烈之
非常尤當丹青之入畫矣

先妣事畧

嗟乎流波無復返之期枯木罕再春之日鶴辭堂下庠
域懷悲蜂去房中王庸抱痛此金臺所以憶及先妣遺
事而不能無述也先妣姓丁氏爲耀堂公女與先府君
未蘆公爲中表親誦詩九紙見賞叔明下鏡一枚有同
温嶠年二十一來歸時府君甫觀魯水之鸞旂旋奏秦
樓之鳳曲三商禮重一秣心齊視弋雁之明星聽鳴雞
於曉日易占无遂詩詠有齋先祖芝巖公先祖妣徐太
孺人俱欣然以爲得佳婦焉而府君情忘軒冕志脫樊
籠王鞅裴韜最工諧語孔樽畢饗時露醉容先妣則不
形詭譁每進箴規諷樂飯以異言勸劉伶之節飲賓真

木雜書屋文四集

卷六

六

相敬鹿御遙同賢肯食貧牛衣何泣府君亦歡然以爲
得佳耦焉旣而服香告夢蕢實盈枝年二十四生金臺
玉倚膝前獨蒙珍惜珠擎掌上恒自撫摩未幾麟角炫
奇鳳毛騰采到沈五歲已熟古詩邱遲八齡便知文義
乃府君箕裘過望鞭杖頻施劉知幾之受楚奚祇一朝
蕭惠開之被笞動逾百數雖復慧如葛恪才比惠連早
膺國士之稱終失家公之愛倘非先妣殷殷覆護默默
保全竊恐花欲開而卽摧苗方種而不秀未可知也迨
夫總角遊庠弁齡食餼纔當綺歲如日方升能奪天工
將雲入翦無如魚腮易曝鸞翻難騫鵬鷲之薦頻膺驂
駟之步遲騁胡區區而不余卑徒負負而無可言嘉慶

已卯冬十月府君以疇疾去世羅威失怙尙有慈闈楊
皞銜悲惟思將母然而斯時也舌耕則菑畚尠獲心織
則杼柚其空履餘東郭之穿衣類西華之做蠲廬守困
莫翦蓬蒿雞膳缺供僅充藜藿未得桑中之宦奚自嘗
羹最憐柳下之窮差能負米脩脩予尾天天此心而先
妣髮白如銀猶親爨竈面黃於葉還理紡車所望延晚
景於壽萱慶餘暉於慈竹豈不幸甚何圖鎮心犀禿脫
鬢蟬凋竟於道光庚子秋七月仙逝享年七十有五時
金臺就館吳閩聞信急歸先妣已將就木矣旣不能如
朱仁軌之奉親鵲常栖樹又不能如阮孝緒之侍疾鹿
爲覓葭遂致瑤海花冥瓊樓月閉移平昔愛日之念爲

木雞書屋文四集

卷六

五

中宵見星之奔輟遊子望雲之思抱孤兒履霜之愴去
家二百餘里縮地無方鞠我五十二年回天乏術眞百
身其莫贖縱萬悔而奚追今者蕭蕭松谷已安牛眠黯
黯蕙幃久虛烏養桑梓之賢聲尙在蒿莪之隱慟無窮
幸金臺忝竊文名克全志節蘇易簡詩書之氣不負慈
箴畢士安師友之良無慙闕誨而况閨中愛女得歸射
虎之雄婿陸攀桂中庚子科武榜牀下雛孫早預登龍之選孫晉勳中丙午
魁亞魁亞俱叨一第用慰九原足知積善降祥墨林傳其懿
範儲休啟祐彤史播其清芬矣巳酉正月男金臺謹述

丁步洲亡姬施氏哀辭

嗚呼白水聞歌能解齊臣之意紅蘭入夢曾徵燕姑之
祥家非馬卿之貧人得羊侃之愛何圖釵驚燕化扇擁
鷺飄東牆之杏纔開西府之棠遽折風寒玉井星飛有
聲霧掩銀河月入無路十年錦瑟猶似人長三月羅衣
可憐鬼瘦則有如丁君亡姬施氏是已姬之來也時年
二十抱衾知命挽髻承恩寶浴則新納陽臺伶元則劇
憐通德豪犀掠鬢小鳳戰篋燈紅弄機篆碧調瑟蒸熏
爐於繡閣儘教硯淚猿猴供茗椀於書樓不待茶呼鸚
鵡未幾海鯨肆虐小膽惺忪天馬暫奔驚魂斷續月落
而戌埃慘黑日斜而煙塵漲黃幸而星狼焰消風鶴聲

木雞書屋文四集

卷六

六

熄秦國之環不碎趙宮之壁猶全時則鳳女既生麟兒
未誕癸卯之春步洲往天竺求嗣姬乃鶯珠護戒默禱
空王龍鏡澄懷虔皈淨域果然慶占燕玉瑞協犀錢大
士効靈阿侯抱出且以步洲千般酬應冗若蠅毛百務
匆忙勞於魴尾晏嬰之囂塵最近廣漢之鉤距頗精而
能笑談自如吟咏間作潘邠老七言高唱不碍催租賈
閨仙一字未安豈驚鹵簿每當半橈蛩語五夜雞鳴倚
小比肩歌大垂手姬則搓酥滴粉飛來澹碧之箋殘月
曉風唱出小紅之曲金釭二等玉瑄一枝李夫人竹影
橫眉楊妹子印泥押尾至於春潮鰕肥特排桃宴秋月
蟹滿慣設菊觴開筵坐花之晨翦燭話雨之夕姬又郇

留屐執厝，餽能兼誦。泚才之約，燕煮兮山之。聞者勝羊
脯鹿，借箸前籌。烹鷄鵬鵠，和盤託出。咨點心之方，於鄭
嫂得曼首之法。於盧家故能極文酒之綢繆，罄友朋之
歎曲。又况牙尺裁雲鼻，鍼穿月慧麗之錦心。如見分明
之線脚，謹看翻花樣於女紅。門綺才於妃白，思工抽乙
界卽烏絲。辭妙受辛題宜黃絹，所患者劉家皂莢阮氏
緋桃擊壁，示威刻眉肆毒姬。獨善承中闢，婉事女君以
故不妬。當熊偏欣聘，驚蔗雖庶出兒卽已兒。荔是側生
母如同母，方謂柔儀。餽福和氣致休，鸞鏡長開。鴛帷永
侍，奈何哀蟬紅蛻瘦，蝶黃枯吐沫蠶僵。鎮心犀禿金剛
誦罷歸臥竹根瓊島仙遊，難迎桃葉消雀香於西域化

木雞書屋文四集

卷六

十七

雉采於東方，卒於乙巳七月三十日年止二十有五步
洲淚隨風落，恨與霜凝。未必綠華重逢有日，那堪紫玉
一抱如煙。慨念三生吟成四律，江流九曲宛爾腸回。河
滿一聲黯然魂斷，余因爲辭以哀之曰：長安長安
伊嚙彼之小星兮，身獲近乎文昌。拍紅牙以按節兮，啟
綠齒而生香。矧乃家務之殷繁兮，中饋藉其贊襄。芝蘭
生於堦庭兮，旣弄瓦兮旋弄璋。何紅顏之命薄兮，嗟歲
月之不长。悲風憂於黃竹兮，寒食慘夫白楊。非獨下羊
志之急淚兮，并馬妻其神傷。惟芳名之常存兮，雖曇花
一現而何妨得斯文以寫宣懿美兮，或奕葉其猶光

陳君妻陸孺人誄
孺人姓陸氏名舒錦字雲裳高曾祖父俱列邑庠故能
幼奉張箴長嫻班傳織素仿左題紅晒韓年二十六始
歸陳君樂泉祥占鳴鳳職盡宜臧健乃持門柔能養志
晨炊煙白氣出茅檐夜紡燈青光搖土壁一奩紅粉半
世無緣百甕黃齏終年有味且以樂泉下帷苦學仰屋
著書鳴機而能做樂羊漂麥而不驚高鳳憐長卿之善
病搗藥忘疲知平子之端憂賣珠索笑蘭儀遠映蕙問
潛宜宜乎佳兒佳婦得雙親白髮之嬉如友如賓訂百
歲紅情之好矣然而霜辛露苦蕉萃自傷兩晦風蕭鬱
伊何限三男早逝麟種俱空一女僅存鸞姿尙幼魚尾
木雞書屋文四集 卷六 六

之勞已甚蛾眉之病漸深竟於己酉正月初九日溘然
謝世春秋三未有六樂泉莊益自鼓梁案誰襄腸斷鴛
機神傷鵲鏡槭槭簾薄幢幢燈檠情有所鍾理無可遣
念赤手爲炊之巧欠白頭同夢之歡環珮芳魂孰尋仙
路糟糠健婦難覓替夫用是掩幕徘徊望廬歎息出虎
繡龍雕之筆寫鸞吡鳳靡之章較元相之遣悲懷詞逾
淒楚比潘令之哀永逝意益纏綿因情文之相生令伉
儷之增重而樂泉猶以爲未足酬孺人之德也不鄙蕪
言屬揚芬範乃爲之誄曰
展如之媛系出忠宣衿罄是訓鴈燧靡愆尊嫜在堂善
事暮年持家中禮宜室稱賢入門以來勞瘁已極量鼓

操長神鍼穿夕何甘非茶何旨非漿十年之中備嘗艱
厄惟此良人才如鳳麟豈有陳平貧賤終身期登嶮窟
期躍龍津我黻子佩稍酬苦辛誰知麻姑人世不戀鈎
失金鳩筐辭玉燕曉鏡碎煙芳塵流電雞逼酉年入春
遭變嗚呼哀哉淒淒鴛枕黯黯蟬紗立而望之是耶非
耶人柳斷帶鬼桃作花香魂一去月不能華嗚呼哀哉
此恨綿綿如往而復蛾蹙春心魚鰈秋目緣了三生淚
流一掬把君悼文不堪卒讀嗚呼哀哉

木雞書屋文四集

卷六

九

旅一

此

人

大

金

七

八

九

